


得効方



十六七八

世醫得効方卷之十六

眼科龍木論

建寧路官醫提領陳志

南豐州醫學教授危亦林

江西等處官醫副提舉余

賜山

眼科

人有雙眸如天之有兩曜乃一身之至寶聚五臟

之精華其五輪者應五行八廓者象八卦凡所患

者或因生食五辛多啖炙煇熱食麪食飲酒不已

房室無節極目遠視數看日月頻視星火夜讀細

書月下觀書抄寫多年彫鏤細作博奕不休久處




煙火泣淚過多刺頭出血多若此者俱喪明之本
復有馳騁田獵衝冒塵沙日夜不息者亦傷目之
媒又於少壯之時不自保惜逮至四十以漸昏蒙
故善衛養者纔至中年無事常須瞑目勿使他視
非有要事勿宜輒開則雖老而視不衰大抵榮衛
順則斯疾無由而生榮衛衰則致病多矣且傷風
冷則淚出虛煩則昏蒙勞力則皆赤白腫則脾家
受毒生瘡則風熱侵肺黃乃酒傷於脾血灌瞳仁
及赤色俱是心家有熱羞明見紅花為肝冷黑花
則腎虛青花膽有寒五色花為腎虛無熱不可一
槩為治若虛不補而實不瀉亦難收效然上虛乃
肝虛下虛乃腎虛肝虛則頭暈耳聾目眩腎虛則

虛壅生花耳作蟬鳴大宜補肝益腎其有熱淚交
流兩臉赤痛乃肝之極熱迎風有淚為腎虛客熱
涼肝瀉腎必得其宜至於五臟各以類推虛則生
寒實則生熱補瀉之用須在參詳毫釐之差千里
之謬餘則無非有所觸動或大病之後所患不一
至如暴赤一證多因泛熱衝上或眠食失時飽食
近火得之加以勞役失於調攝過食毒物變成惡
證醫者不原本始但知暴赤屬陽或以散血之劑
或以涼心之藥縱使退散遂致脾經受寒飲食不
進頭目虛浮五臟既虛因成內障亦有見其不進
飲食俾更服熱藥遂致三焦暴燥熱氣上攻昏澁
眵淚或犯盛怒辛苦重勞遂生努肉心氣不寧風

熱交併變為攀睛證狀不一是為外障又若讀書博變等過度而致疾者名曰肝勞不可但投以治肝之劑及作他證治之卒於莫效惟須閉目翬護不極遠視庶乎可廖若夫患風疹者必多眼暗先攻其風則暗自去婦人胎前產后用藥亦須避忌小兒所患切宜善治惟略加淋洗披鎌針灸端不可施猶須戒其用手頻揉或因茲睛破至於莫救以上諸證專是科者宜留意焉

五輪之圖



白屬肺

氣之精氣輪

黑屬肝

筋之精風輪

上下臉屬脾胃

肉之精肉輪

大小眥屬心

血之精血輪

瞳仁屬腎

骨之精水輪

風輪病因喜怒不常作勞用心晝疑視遠物夜勤讀細書眼力既勞風輪內損其候皆頭尤溢睛內偏疼視物不明胞絃緊急宜去風藥血輪病因憂愁思慮悲喜煩勞內動於心外攻於

血目其候赤筋纏皆白章侵睛胞瞳難開昏暮多
 澁日久不治失明愈深宜洗之涼血藥
 肉輪病因多食熱物好喫五辛遠道奔馳駐睛驟
 騎食飽耽眠積風痰壅其候胞眩赤腫暴赤昏
 蒙眼淚常盈倒睫澁痛瘀血侵睛宜疎醒脾藥
 氣輪病因凌寒冒暑愛飲寒漿肌體虛疎寒邪入
 內或痛或昏傳在白睛筋多腫赤視日如隔霧
 觀物似生烟日久不治變成白膜黑暗難開
 水輪病因勞役不止嗜慾無厭大驚傷神大怒傷
 志加之多食酒麪好啖鹹辛因動腎經通於黑
 水冷淚鎮流於臉上飛蠅相趨於睛前積聚風
 虛或澁或痒結成翳障多暗多昏宜補腎藥

八廓之圖

天廓 傳道 肺大腸

地廓 水谷 脾胃

火廓 抱陽 心命門

水廓 會陰 腎

風廓 養化 肝

雷廓 開泉 小腸

山廓 清淨 膽

澤廓 津液 膀胱

天廓病因雲中射鴈月下看書多食腥膻侵冒寒
 暑致天廓有病內動視物生煙皆疼難開不能
 辨認

地廓病因濕漬頭上冷灌睛眸致令有病眼眩緊
急瘀血生瘡
火廓病因心神恐怖赤脉侵眥血灌瞳仁熱淚如
傾其證臉頭紅肺睛內偏疼熱淚難開
水廓病因大勞努力爭鬪擊捧開弓驟騎強力致
令生病常多暗昏睛眩淚多
風廓病因枕邊牕穴有風不能遮閉坐臥當之腦
中邪風攻於風廓以致黑睛多痒兩臉常爛或
昏多淚
雷廓病因失枕睡卧酒後行房血脉溢滿精宣閉
滯風虛內聚上攻故令皆頭赤腫臉內生瘡倒
睫拳毛遮睛努肉

山廓病因撞刺磕損致令肉生兩臉翳閉雙睛若
不早治永沉昏暗瘀血侵睛

澤廓病因春不宣解冬聚陽毒多喫胎肥過飧熱
物致令腦脂凝聚血淚攻潮有如霧籠復見飛
蜂繚繞黑花常滿難於瞻視

苗香七十二證方

內障

圓翳第一

口翳者黑珠上一點口中見之差小陰處見之
則大白或明或暗視物不明醫者不曉以冷藥治
之轉見黑花暗此因肝腎俱虛而得也宜服后藥
補肝散

熟地黃 白茯苓去皮 家菊

細辛各半 芍藥三分 柏子仁一分

甘草半錢 防風一分 北柴胡去芦

右到散每服三錢水一盞半煎食后服

補腎口

山巴戟去心 山藥 破故紙炒 肉蓯蓉洗

茴香 牡丹皮各半 肉蓯蓉洗

枸杞子兩 青鹽一分

右為末煉蜜口梧桐子大每服三十口空心鹽湯下

冰翳第二

冰翳者如冰凍堅實傍觀自透於瞳仁內陰處及

日中看之其形一同疼而淚出此因膽氣盛遂使攻於肝而得之宜服後藥

通肝散

山梔子 蒺藜炒去 枳殼去白

荆芥各半 車前子 牛蒡子各一分

甘草五錢

右為末每服二錢苦竹葉湯調食後服

滑翳第三

滑翳有如水銀珠子但微含黃色不痒不痛無淚遮繞瞳仁

澁翳第四

澁翳微如赤色或聚或開兩傍微光瞳仁上如殼

胎色時復澁痛而無淚出

散翳第五

散翳形如鱗點或臉下起粟子而爛日夜痛楚瞳仁最疼常下熱淚

前件三證並是肝肺相傳停留風熱宜服

(八味還睛散)

白蒺藜炒去尖

防風

粉草炙

木賊

山梔炒去殼

草決明炒

青箱子一分

蟬退一分

右為末麥門冬去心煎湯食後調下

橫開翳第六

此證上橫如劍脊下面微微甚薄不赤不痛病此

希少

浮翳第七

此疾上如冰光白色環遶瞳仁初生自小皆頭至黑珠上不痛不痒無血色相潮

沉翳第八

此病白翳在黑水下向日細視方見其白或兩眼相傳疼痛則早輕夜重間或出淚

偃月翳第九

此疾膜如偃胎一邊厚一邊薄如缺月其色光白無瑕疵

前件諸證並不可治皆是宿生注受當有此病

縱強用藥終無安日

胎毒藥用棗花翳第十

此候周回如鋸齒四五枚相合赤色刺痛如針視物如煙晨輕而晝則痛楚迎風多淚昏暗不見

此候四邊皆白但中心一點黃大小皆頭微赤時下溢淚團團在黑珠上

此候亦是肝肺相傳停留風熱宜服前還睛散后墜翳圓

黑花翳十二

此候其狀青色大小皆頭溢痛頻頻下淚口苦不喜飲食蓋瞻受風寒宜服

(涼膽口)

黃連

洗不見火

荆芥

黃芩

草龍膽

各半兩

盧薈

防風

各一兩

黃柏

去皮

地膚子

一分

右為末蜜口梧桐子大每服三十口薄苛湯下

胎患十三

此候初生二三歲觀物則近看轉睛不快至四五歲瞳仁翳白昏蒙不見延至年高無藥可治蓋胎中受熱致損其目莫能治之

五色變為內障其候顏色相間頭疼甚却無淚出

兼毒風腦熱所致日中如坐暗室常自憂嘆

雷頭風十五

此候熱毒之氣衝入眼睛中年牽引瞳仁或微或
大或小黑暗全不見中或坐部宜察自
驚振十六
此候因病目再被撞打變成内障日夜疼痛淹淹
障子赤膜遠目不能視三光亦如久病内障
前件肆證設有患者俱不可治所謂針刀難下
此手藥力並無功若強治之不過服還睛散然終
難愈

綠風十七
此病初患則頭旋兩額角相牽瞳仁連鼻鼻皆痛
或時紅白花起或先左而后右或先右而左或兩
眼同發或吐逆乃肺之病肝受熱則先左肺受熱

則先右肝肺同病則齊發先服羚羊角散後服還
睛散方見前

羚羊角散

- 家菊
- 防風
- 川芎
- 羌活
- 車前子
- 川烏炮去皮尖
- 半夏泡
- 羚羊角
- 薄荷葉各一分
- 細辛兩一

右到散生薑煎或為末食后京芥茶清調下

烏風十八

此眼雖痒痛而頭不旋但漸漸昏暗如物遮定全
無翳障或時生花此肝有實熱宜服

瀉肝散

郁李仁

荆芥 各一

甘草 炙

大黃 各半

右剉散每服三錢水一盞半煎食后温服

黑風十九

此眼與綠風候相似但時時黑花起乃腎受風邪熱攻於眼宜涼腎

青風二十

此眼不痛不痒瞳仁儼然如不患者但微有頭旋及見生花或勞則轉加昏蒙

前件二證宜服還睛散 方見前

肝虛雀目二十一

雀目者肝臟虛勞時時花起或時頭疼年深則雙

自盲小兒患者因疳得之

高風雀目二十二

雀目二證病狀雖同中有異處蓋高風纔至黃昏便不見經年腫子如金色所謂黃風者即此也

前件二證均不可治

肝虛目暗二十三

此病遠視不明眼前花子頻起皆目皆赤痛有時看一成二此乃肝虛宜服補肝散稍稍加涼劑與

之 方見前

外障

肝臟積熱二十四

眼先患赤痛腫疼怕日淚澁難開忽生翳膜腫或

初患一目不見以致兩目齊患此因作勞用力肝
膈熱勞宜服

〔大決明散〕

石決明

一兩 炒

草決明

炒

羌活

山梔子

各半 兩

木賊

錢五

大黃

荆芥

各一 分

青箱子

炒

芍藥

各五 錢

右為末每服二錢麥門冬去心煎湯調食後服

傷寒熱病後目昏二十五

傷寒病安後眼目疼痛紅腫或食毒物過多壅熱
上衝熱淚交流澀痛難開無生翳膜宜服前決明
散後春雪膏點之

混睛二十六

此候白睛先赤而後痒痛迎風有淚閉澀難開或
時無事不久又發年深則睛變成碧色滿目如凝
脂赤路橫赤如絲此毒風積熱宜服

〔黃散〕

生地黃

兩一

芍藥

兩半

土當歸

錢半

甘草

右剉散每服三錢水一盞半煎食后溫服

弩肉攀睛二十七

此證或先赤爛多年肝經為風熱所衝而成或用
力作勞有傷肝氣而得或痒或痛自兩眦頭努出
心氣不寧憂慮不已遂乃攀睛或走筋膜宜服

〔三黃散〕

黃芩

大黃

防風

薄荷

各半 兩

右到散每服三錢水一盞半蜜少許煎食后臨
睡温服

(定心口)

石菖蒲

甘菊

枸杞子

各半

辰砂二錢

遠志

去一分

麥門冬

去一兩

右為末蜜口梧桐子大每服三十口食后熟水
下

兩臉粘睛二十八

此乃爛眩風是也雙目赤爛粘滯經年不安或痒

或痛宜服消風散桑白皮煎湯調下

方見風科熱證類仍用驅

洗風散

膜入水輪二十九

此因黑珠上生瘡稍安其痕疤不沒侵入水輪雖
光未絕終亦難治

釘翳根深三十

此因心肝滯留偏熱致使眼疼痛生翳膜經久其
色如銀釘釘入黑睛此證不可治

黑翳如珠三十一

此起在黑水上如小黑頭疼痛而淚出不可用點
藥此乃腎虛受風熱而得之宜先服羚羊角散後

服補腎口前方見

花翳白陷三十二

此白翳旋遠瞳仁點點如花白鱗砌者乃因肝肺
伏藏積熱又喫熱物遂而得之宜膏藥點后服前

羚羊角散
水瑕深翳三十三
此乃黑水內橫深瑕盤青色沉沉深入痛楚無時
蓋五臟俱受風熱宜服

(清涼散)

蔓京子 荆芥 苦竹葉

甘草 各半 山梔子 一分 去皮

右到散每服三錢水一盃半薄苛七葉煎溫服

此證黑珠上浮玉翳浮滿三十四

此證黑珠上浮玉色不疼不痛翳根不紅不宜針

割但服前還睛散磨翳膏點之即愈 方見

因他病後生翳三十五

眼內他病得時漸漸不見初則微生翳膜後則遍
睛但白若此者無可治矣

順逆生翳三十六

翳自上而生下者為逆自下生上者為順逆則難
治順則易安宜用點藥

(磨翳膏)

空青 二錢 片腦 三錢 麩仁 一兩 口會 去皮殼

右於乳鉢內研合盛旋點之

雞冠蜆肉三十七

翳生在臉內如雞冠蜆肉或青或黑須翫出看之
阻碍痛楚怕日羞明蓋脾經先受熱后有所傳宜
服決明散

臉生風粟三十八

兩臉上下初生如粟米大漸漸大如米粒或赤或白不甚疼痛堅硬者蓋肝壅瘀血所成宜服
（消毒飲）

大黃半兩

荆芥半兩

牛蒡子一分

甘草一分

右剉散每服三錢水一盞半煎食後溫服

胞肉膠凝三十九

眼胞皮肉有似膠凝腫高如桃李者時時出熱淚乃風毒所注宜消風散及花草膏點之方見風科

漏睛膿出四十

皆頭結聚生瘡流出膿汁或如涎水粘睛上下不痛仍無翳膜此因心氣不寧并風熱停留在臉中

宜服

（白薇口）

白薇半兩

防風

白蒺藜

去角

石榴皮

羌活

右為末米粉糊口如梧桐子大每服二十口白

湯下

蟹睛疼痛四十一

此證如大豆出黑珠止疼痛不可忍又名損翳亦不可用點藥宜服前決明散

突起睛高四十二

風毒流注五臟不能消散忽然突起痒痛熱極所致宜服前瀉肝散

偏風牽引雙目喎斜淚出頻頻却無翳膜不痒不

痛宜服消風散用荆芥湯下方見風科

此疾淚出涓涓翳膜漸生乍愈乍發多年不安眼

皮漸急睫倒難開如刺刺樣痛瞳仁不安此乃脾

受風熱先服瀉肝散後服

五退散

蟬退洗 蛇退醋 荆芥

猪蹄退一分 穿山甲燒存性 川烏炮去

粉草各半 蠶退二錢

右為末鹽湯調下二錢

風牽臉出四十五

上下臉俱赤而或翻出一臉在外此亦脾受風毒

宜服前五退散若患年深臉內俱赤則不可治之

神崇疼痛四十六

舊無根因忽然疼痛或如針刺或如火灸及太陽

穴掣痛早輕晚重先宜末福却服决明散方

旋螺尖起四十七

目疼痛生翳膜尖起而赤似旋螺宜服前通肝散

次服前决明散

鶻眼凝睛四十八

輪硬而不能轉側此為鵝眼凝睛此不可治
輓轡轉關四十九

此乃睛蔽上下臉不能歸中所以言之為輓轡也
其證亦難治然當且服後藥

〔天門冬飲子〕

天門冬

菴蔚子

知母

各二兩

五味子

防風

各一兩

人參

茯苓

羌活

各兩半

右剉散每服三錢水一盞煎食后服

〔瀉肝散〕

麥門冬

去心二兩

大黃

黃芩

細辛

芒硝

各一兩

黑參

桔梗

各兩半

右剉散每服三錢水一盞煎食后服

被物撞打五十

目被撞打疼痛無時瞳仁被驚昏暗濛濛眼眶停
留瘀血用地黃膏貼去血次服前决明散

〔地黃膏〕

生地黄

合一兩

黃連

一兩

黃柏

寒水石

各兩半

右地黄研自然汁和藥成餅子要用時以紙貼

全目上非但是撞打可用凡風熱赤目熱淚出等
無眼皆可用以其性涼能逐去熱毒耳

因撞刺生翳五十一

因撞刺生翳疼痛無時經久不安者復被物撞之
無為風熱所攻轉加痛楚昏暗不見宜服
(經效散)

大黃兩 當歸兩 芍藥各半

北柴胡去一兩 粉草 連翹各一

犀角一分

右剉散每服三錢水一盞煎食后服仍用后磨
翳膏點之

血灌瞳仁五十一

瞳仁為血灌注其痛如錐刺皆無翳膜觀物不明
者或因有損或白肝氣閉血無所歸而得宜引血
歸肝

(通血口)

生地黄焙 赤芍藥各半 川芎兩

甘草五錢 防風 荆芥 當歸尾各一

右為末煉蜜口如彈子大食后荆芥薄荷茶嚼
下血既散而歸肝又恐眼自生花須再用前還

睛散服之

眯目飛塵五十三

塵埃飛揚入目粘睛不脫或被飛絲所侵或被沙
不可苦疼痛引溢指碎不開宜用後瞿麥散敷

天行赤目五十四

目忽然赤腫晨昏痛澁此天行時疾或長幼傳染
不安雖因熱氣相傳方有輕重宜服前瀉肝散即

安虛人則用后五行湯洗

暴赤眼後忽生翳五十五

此證輕則無妨重則疼痛而白睛紅花乃生翳膜

者是五臟積熱宜先用前地黃膏次服前瀉肝散

胎風赤爛五十六

小兒初生下便有此證至三四歲雙目紅而眩邊

赤爛時復痒痛經年不安先服消風散桑白皮煎

湯調下仍以后湯泡散洗

風赤瘡疾五十七

眼兩臉似朱砂塗而生瘡黑珠端然無所染此因

風熱生於脾臟若經久不治則生翳膜宜服前五

退散次湯泡散洗

衝風淚出五十八

風證至冬月極甚發作不休此因肺虛受風遇風

冷發宜服

白僵蠶散

白僵蠶直者去

粉草

細辛各半

旋伏花蒸熱焙

荆芥乙

木賊兩

黃桑葉一兩

右剉散每服三錢水一盞半煎食後溫服

暴風客熱五十九

眼為暴風熱所攻白睛起障覆黑珠臉腫痒痛宜

眼前藥

臉硬睛疼六十

臉中紅赤而堅硬眼睛疼痛而淚出無時怕日羞
明宜服前通肝散若有障膜用後春雪膏點之

痛如針刺六十一

睛忽然疼痛如針刺雙目根緊急坐卧不安此因
熱毒在心服洗心散次服前還睛散

方見大方
科積熱類

痒極難任六十二

眼痒極甚瞳子連皆頭皆痒不能收臉此因清淨
腑先受風熱得之宜服

(驅風一字散)

川烏 半兩炮
去皮尖

羌活

防風 各乙
分

川芎 荆芥

右為末每服二錢食後薄芎湯調下

起坐生花六十三

凡起坐生花或覺頭旋而悶耳內蟬鳴此乃腎虛
兼受客熱不節房事宜多服補腎口

瞳仁乾缺六十四

此證其睛乾澁全無淚液或白或黑始則疼痛后
來稍定面黑不見此證不可治療

黃膜上衝六十五

黑睛從下生其黃膜上衝疼痛至甚閉澁難開此
乃脾經受風食毒傷胃而得之宜服

(犀角散)

犀角 二兩

黃芩 兩半

白附子

一分炮
去皮尖

麥門冬

一分
去心

車前子

羌活

各半
兩

右劉散每服三錢水一盞半煎食后温服

赤膜下垂六十六

眼中有膜自上垂下遮黑睛或名垂簾膜望風淚出怕日羞明此乃客熱上衝用後明上膏點之次服前通肝散

小皆赤脉六十七

小皆中生赤脉漸漸衝眼急宜早治此盖三焦積熱得之宜服前犀角飲兼戒忌辛酸熱毒等物及房事方安

小兒通睛六十八

嬰兒雙眼睛通者欲觀東邊則見西畔若振掉頭眠則睛方轉此肝受驚風宜服

牛黃膏

牛黃 錢一

犀角 錢二

金銀箔 各五片

甘草 分二

右為末蜜口棗豆子大每服七口用薄荷湯吞下

小兒斑瘡入眼六十九

眼胞患斑瘡熱氣衝透睛中疼痛淚出翳如銀片腫澁難開宜服

柴胡散

柴胡

黃芩

芍藥

各半兩

甘草 一分

右劉散每服三錢水一盞煎大人小兒加減服兼以藥墜洗之餘方見後

小兒臉中生贅七十

眼臉中生贅子初生如麻子大日漸如豆懸垂臉內乃脾經風熱所攻宜加減服前五退散

小兒疳眼七十一

小兒疳眼初生則澁痒久而生瘡翳腫難開怕見光明時時出淚此因肝風所攻或因瀉痢後虛熱未衝不可點宜服前還睛散餘方見小方科諸疳類

小兒青盲七十二

胎中受風五臟不和嘔吐黃汁兩眼一同視物不明無藥可治

右七十二證方藥條陳于前母謂其略蓋眼科中用藥不可太繁或有好奇鳩撮眾藥合為一

方不問虛實冷熱悉與服之羣隊爭功豈知補瀉溫涼之性各異其為害也不少可不戒之

虛證

加味磁朱口丹砂之畏磁石猶火之畏水今合用之砂法火入心磁法水入腎心腎各得其養則目自然明蓋目疾多因脾胃有痰飲漬侵於肝久則昏眩神麴倍於二味用以建脾胃消痰飲極有方効

神麴四兩

辰砂一兩

磁石二兩煨醋

右為末煉蜜口梧桐子大每服五十口食前米飲日進三服常服益眼力一方加夜明沙

大補腎口治腎氣不足眼目昏暗瞳仁開縮漸成

内障

磁石煨醋淬

兔絲子酒蒸研

五味子

熟地黄

枸杞子

楮實

覆盆子

菘蓉

車前子

石斛去根各

沉香

青鹽研各

右為末煉蜜口梧桐子大每七十口空心食后

鹽湯下

〔養肝〕治肝血不足眼目昏花或生眵淚久視無力

力

當歸酒浸

車前子酒浸

防風

白芍藥

蕤仁

熟地黄

川芎

楮實各等

右為末煉蜜口梧桐子大每服七十口不以時

溫水下

〔錦鳩〕治肝經不足風邪內乘上攻眼暗淚出怕

日羞明隱澁痒痛瞻視茫茫多見黑花或生翳膜

並治之

草決明子二兩

牡礪煨取

黃連去鬚

杜疾藜妙去尖

防風去芦

甘菊花淨煉

肉桂去皮各

蕤仁

羌活去芦

瞿麥各三兩

蔓菁子貳斤

淘洗獨袋盛

出晒

白茯苓去皮

細辛去苗

羯羊肝一具

炙令焦

班鳩一隻

去皮毛腸腎爪

右為末煉蜜和杵五伯下口如梧桐子大每十五

至二十口空心温酒或温水下日午臨卧日三服如久患外障眼服諸藥未效者漸加服五十口必效暴赤眼疼痛食后用荊芥湯下二十口駐景口治肝腎俱虛眼常黑暗多見黑花或生障翳視物不明

兔絲子

酒浸炒取末五兩

熟地黄

洗蒸三兩

車前子

三兩

右為末煉蜜口梧桐子大每服五十口空心温酒下

青盐口巴戟口治並同上

各見大方科虛損類

錦鳩駐景青盐巴戟四件合和盐湯吞下二三十口久服永除昏花增目力大效

花草膏治患眼腫痛溢痒昏淚羞明

羯羊膽

一枝上蒸熟飯

右以冬蜜研和入朱砂末少許頻研成膏食后臨卧匙抄少許含燕亦可點目

椒目口治久年眼生黑花不可者

椒目

炒一兩

蒼朮

炒二兩

右為末醋糊口梧桐子大每服二十口醋茶下十日可灸

黑神散治血壅赤腫臨卧酒調服

方見產科產后類

加味參附正氣散治男子婦人痛不生糞此便是

元氣憊腎經虛夜間小便二三次耗傷陽氣致生內障腦中有風致鼻流清涕或腦脂流下或瞳仁開大此皆腎憊黑水散也加炮附子枸杞子去生

炒棟菊花藥生薑紅棗煎食前空心服仍以錦鳩
青鹽山藥八味等口對和食前溫酒服及四柱散
十全大補湯去熟地黃加附子枸杞子菊花蕊藿
香正氣散用薑棗煎服婦人服冷藥過多或崩或
白帶致令眼昏不見亦可服此急救方見大方科
諸氣類餘

熱證

八珍散治心熱衝眼赤腫澀痛熱淚羞明每服三
錢水一盞半燈心二十莖苦竹葉七皮生地黄二
根桑白皮七寸煎食后臨睡服方見大方科積
熱類即八正散
聖效散治諸般風熱風痒熱毒大人小兒生翳生
膜生血筋但是外障熱眼並可服若內障是虛則

不宜服

黃芩

北細辛

甘草

熟地黃

大黃

山梔子

赤芍藥

當歸尾

柄細者

牛蒡子

桑白皮

各二兩有翳
膜加一兩用

菊花

五兩
去梗

右剉散每服四錢水一盞半煎溫冷服合滓煎

早食午食晚虛臨卧各一服忌鷄魚酒麪糯米

鹹酸熱油諸般毒物眼乃一身之主如不能忌

口藥亦無功自陷此身也每日凡白煮精猪肉

嚙飯或山藥蘿蔔菜果核棗子柿子銀杏土瓜

槌子生葛可喫

地黃素問云久視傷血血主肝故勤書則傷肝
而目昏肝傷則自生風而熱氣上湊目昏益盛不

宜專服補藥當益血鎮肝而目自明

熟地黄兩半

黃連去鬚

决明子各一兩

防風

甘菊花

羌活

桂心

朱砂研

沒藥研各兩

右為末煉蜜口梧桐子大食後熟水下三十口

日三服

决明散治風熱毒氣上攻眼目腫痛或卒生翳膜或赤脉努肉或澁痒羞明多淚或始則昏花漸成内障但是一切暴風客熱並宜服之

黃芩

甘菊花去枝梗

木賊

草决明子

石膏

川芎

川羌活

甘草

蔓京子

石决明

右剉散每服三錢水一盞半生薑三片煎食後

服

敗毒散治熱眼澁痒昏蒙每服三錢加薄荷桑白

皮煎方見大方科傷寒類

羊肝口治肝经有熱目赤睛疼視物昏澁

羯羊肝

生一具

黃連

去鬚別研為末

右先将羊子肝去筋膜於砂盆內搗爛入黃連末杵和為口梧桐子大每服五十口不拘時候熟水下

五行湯治眼暴赤時行赤腫作痛

黃蘗

用刀略去粗皮取

右以濕紙裹黃泥包煨候泥乾取出每用一彈

子大紗帛包水一盞浸飯上蒸熟乘熱熏洗極效此方有金木水火土故以名一口可用二三次

地黄膏治赤眼

右用生地黄肥者洗淨研細絹帛包之仰卧以藥搭在眼上初似碍而痛少頃清涼小兒赤眼黃連為末水調貼脚心其赤自退

又方治血灌瞳仁生障膜

右用生地黄研細和大黃末成膏以帛鋪二寸揅在眼上可再易之

黃連湯治火眼

鷹爪黃連

七莖去毛節

杏仁

七粒去皮尖

北棗

七枚大者

右用新瓦盆存貯入水八分以帛覆蓋慢火熬存二三分放在地上去火毒候冷存在湯瓶上蒸溫不要熱病者仰卧令人滴藥汁在眼尖角近鼻者候口中有苦味即是藥透如未知苦則一面滴數次即安其效如神

蔓荆散又名小洗肝散治赤腫溢痛多淚

瓜根

蔓荆子

荆芥

拖子

甘草

右剉散每服三錢水一盞煎先熏後服食后用

春雪膏治眼目赤腫翳障羞明

鵬砂

三錢

珍珠

何腦子

一錢

通明

朴硝

兩

通明

朴硝

兩

通明

兩

右為末入乳鉢研再用細絹羅過每用一小錢
光弦者點津液沾藥末入目中閉霎時令藥白
方開眼淚出效

〔穿針散〕治全前

木賊半兩去黑不用陳者

香附子去毛

細辛淨洗日乾

菊花去梗

羌活各半

右為末每服二錢用好茶少許同點食後服

〔又方〕治眼有血紅或有紅線及生糞此是熱眼服
前經効散

〔又方〕治眼開不得羞明怕日此是風熱牽閉所致
芎芷香蘇散加前胡連根葱白三莖煎服若臟腑
閉加大黃小兒翳障及瘡疹不得開加生桑白皮

七寸同煎根新能瀉肺膜不生翳便退方見大方

〔石決明散〕治眼生外障不問男女小兒皆治先服
經効散不退却進此藥

石決明一兩火煨

蒺藜炒去刺

京芥穗二兩

薄荷葉一兩

人參蜜炙

右各於地上出火毒研末每服二錢沙糖冷水
調食后

〔食治方〕治眼赤腫及治每睡起時赤須臾又白名
血熱非肝病也

右以生地黃自然汁以粳米半斤三次浸三次
服乾用磁瓶煎湯一升令沸下地黃及米煮成
薄粥半飽飢飲一兩盞即睡三次立效

貼藥治眼腫痛十分大者

右以生薑自然汁調飛過白凡貼眼胞上痛即止

〔又方〕治風熱上衝努肉攀睛

右用青萍少許研爛入片腦子少許貼眼上頓效

○風證

〔消風散〕治昏澁風痒加荆芥煎湯服方見風科

〔菊花散〕治肝受風毒眼目昏朦漸生翳膜

蟬退去足 木賊去節童便 白蒺藜炒搗
 羌活各三 甘草去刺 京芥穗
 甘草各二 甘菊去萼

右為末每服二錢食后茶清調下

〔白蒺藜散〕治腎經風毒攻眼昏淚澁痒

白蒺藜炒搗 防風 甘草各一
 甘菊去萼 生直疆蠶炒去絲

右為末每服二錢沸湯少鹽點服

〔蟬花無比散〕治風眼氣眼昏淚痒翳膜或頭風牽引眼小胞爛並治之

石決明用東流水入鹽煮 當歸
 防風 羌活各一 蟬殼洗晒
 甘草各一 荆芥
 蛇皮皂角水洗新 細辛
 瓦焙各半 茯苓二兩

蒺藜四兩 剝

芍藥

蒼朮童尿浸二宿去皮切晒各三兩

右為末每服二錢米泔或茶清食后調下

京芥穗

梔子仁

牛蒡子

蔓京子

甘菊花

細辛

甘草

防風

白蒺藜剝去

玄參

川芎

大黃

黃芩

木賊去節童尿浸晒

草決明各半

蒼朮米泔浸一宿焙一兩

右為末每服二錢紫蘇或蜜湯調食后臨卧服
菩薩散治風毒攻眼昏淚臃癢

蒼朮

日換童便浸二宿到晒

防風

二兩

白蒺藜

剝去

二兩

荆芥穗

一兩

甘草

鹽水炙七錢半

右為末每服二錢入鹽少許沸湯點服或用消

風散夾和尤佳

方見風科熱證類

驅風散治爛眩風赤浮翳弩肉攀睛溢痒眵淚

防風

去蘆

龍膽草

各五錢

銅青

三錢

五倍子

二錢

淡竹葉

去根握

右為末每服半錢熱湯一合泡停冷澄清洗捷

效

聖草散治爛眩風此眼有虫細如絲色赤而長

滋生不已

覆盆子葉不以多用

右洗淨研自然汁以皂紗帛蒙在眼上以筆蘸藥汁於上下眼眶當有細虫出於紗上或研細著藥於紗上便睡亦可此方治眼暗不見物冷淚侵淫不止乃青盲者其法擣取自然汁澄陰乾入飲男子乳化開點入目中即仰卧更入少許腦子尤好三四日間視物如年少

〔得方〕治爛眩風眼痒痛淚漬兩臉皆成瘡百藥不效用此點之須臾淚下從瘡中流出其間有小虫立愈

黃連 淡竹葉 兩各一 相樹皮 半濕

右剉散以二升水煎至五合稍冷用滴目內兩皆及洗爛處日三四次

〔洗方〕治爛眩風赤眼

五倍子 搥碎去 蔓京子 煉

右用水煎澄清溫熱洗或用桑枝灰淋水洗亦效

〔又方〕青礬火煨研出火毒每用半匕熱湯一盞泡溫洗爛筋及拳毛倒睫效

〔又方〕治眼痒多因布巾拭破了眼眩致成爛眩風不得乾好

白凡 煨過 兩 銅青 錢三

蓋盞面於湯瓶上坐溫又洗一日洗四五次即效

○氣證

木香流氣飲治因怒氣或食熱物或飲酒而致目赤眼胞紫内生赤脉加大黃煎服復加川芎治氣眼浮軟上壅朦朧

分心氣飲治同上挾熱者服之特效方並見大方科諸氣類
石膏羌活散治久患雙目不觀光明遠年近日內外氣障風翳昏暗拳毛倒睫一切眼疾

- 羌活治腦熱
- 川白芷清利頭目
- 麻子起拳
- 北細辛去葉
- 川芎治頭風
- 蜜蒙花治羞明
- 木賊退翳
- 蘿蔔菜子起翳
- 黃芩洗心退熱

- 石膏清頭目
- 藁本治頭風
- 甘草解諸藥毒

右為末每服二錢食後臨卧蜜水一盞調下或茶清或淘米第二遍泔水調日進三服至十日漸明二十日大効

○翳障

退翳散治目內翳障兼治瘡疹后餘毒不散目生翳膜

- 真蛤粉別研
- 穀精草為末

右和勻每服二錢用生猪肝一片三手指大批開摻藥在上捲定再用麻線外扎濃米泔一碗煮肝熟為度取出稍冷食后臨卧細嚼却用元煮肝米泔送下忌一切炙煇毒物

〔搗藥〕治目赤后暴生翳

右以鵝不食草塞鼻中立瘥

〔觀音夢授方〕治內障及因病赤眼食鹹物而得者

夜明沙洗淨 當歸尾去 蟬退去足

木賊去節各

右為末用白羯羊肝四兩湯煮爛擣如泥入藥末口如梧桐子大食后温熱水下五十口百日眼如故矣

〔羊肝口〕治翳障青盲服之眼可復明方見前

〔點藥〕治外障眼亦名磨

右為猪膽一枚用銀石鈿煎成膏入冰片腦子少許點入眼中微覺翳輕又将猪膽白膜皮陰

乾合作小繩如釵大小止用一頭燒作灰待冷點翳數日后翳退如舊

〔吕仙翁方〕治內障有效

生熟地黄切 川椒去目及閉口者微炒

右等分為末煉蜜口梧子大空心鹽湯米飲下五十口

〔單方〕治瘡疹入眼及昏暗翳尤妙

右用兔子糞焙為末每服用好茶清調下即安須待疹瘡安后服此

〔重明散〕治風熱內外障氣眼疾

川獨活去 川羌活去 川芎 射干 仙靈脾 防風去

甘草

草决明

石决明

各三分

井泉石

丹参

苍术

各半

白术

右到散每服三钱水一盞半煎温服食後臨卧日三服

(小五退散)治内障眼

蟬退

蛇蛻

蠶紙

烏雞卵殼

男子髮

右夾燒存性研為末每用一錢和羊肝湯喫不以時常服

(麥門冬)治内障眼

熟地黄

麥門冬

車前子

右等分旋焙旋研煉蜜口用酒送下二三十口屢効

(還睛)治眼目昏翳

蟬退

洗晒

蒼朮

童尿換浸二宿焙

熟地黄

洗焙

川芎

白蒺藜

炒杵去刺各一兩

菟蔚子

羌活

木賊

去節童尿浸一宿晒乾

甘菊

京芥

石决明

煨存生

杏仁

去皮尖焙

兔絲子

研酒浸焙

蛇皮

酒浸洗淨焙

防風

各半

右為末煉蜜口如彈子大每一口食後細嚼薄茶下

(龍膽膏)治遠年近日翳膜遮障攀睛瘀肉連睛赤爛視物昏暗不觀光明隱澁多淚迎風難開治之

神効

盧甘石

不以多步炒揀粉紅梅花色者為妙

用次

黃連

不以多步入黃連滓一

洋足七次了同黃連水細研極細羅過方下

桑柴灰

羅過二錢

錢用三

龍膽草

不以多少洗淨日乾不

好黃丹

羅過半錢

右件同白蜜四兩一處入在一紫黑磁器內文

武火慢熬以竹篦子攪如漆色不粘手為度切

勿犯生水仍不用鉄器熬藥藥成依舊以瓷器

盛頓每服用如皂角子大新冷水半盞化開洗

三日不用每日洗數次無妨藥盞須用紙蓋不

可犯灰塵截赤目極有功效

神仙照水膏治障翳

黃蠟

黃丹

水飛各一兩

蛇蛻

一錢

水銀一錢

初生烏雞殼

右以柳木槌研細滴蠟為餅臨卧用之候天明

將水照眼藥墮水中膜盡

水丹神驗點翳

朱砂

海螵蛸

右入乳鉢內同研細水飛過澄取又用少許黃

蠟溶旋入藥待要用時就火旋口如蘿蔔子大

臨卧用一口點入眼角緊合眼睡著次日用温

湯洗下未全退者更

用一服極妙

通治

（眼膏子）治眼目諸疾

右用羊膽一枚入蜜一錢在內線扎定甘鍋內
滿入水煮熟冷水內浸取出候乾傾入角內罐
竹筋點眼四角效

（洗方湯泡散）治肝虛風熱攻眼赤腫羞明漸生翳障

當歸尾

赤芍藥

黃連去須

杏仁各五錢

銅青二錢

薄荷葉三錢

防風五錢

右剉散每用二錢極沸湯泡乘熱先熏后洗冷

則再煖用日兩三次又方沸湯白鹽入少許閉

目沃洗鹽亦散血

（水淋法）治眼睛腫脹突出新汲水沃眼中數換水
睛目入仍以麥門冬桑白皮山桅仁煎湯通口服
之

（明上膏）治遠年日近不覩光明內外障眼攀睛赤
肉眩暈赤爛隱澁難開怕日羞明堆眵有淚視物
茫茫時見黑花或臉生風粟或翳膜侵睛時發痒
痛並皆治之此藥神妙兼治口瘡塗之立愈

白沙蜜斤一

黃丹兩四

硃砂

乳香

青鹽

輕粉

鵬砂

腦子各二錢並別研

麝香半錢別研

金星石

銀星石

井泉石

雲母石

兩各一

黃連去類

烏賊魚骨

兩各半

右件藥於淨室中不得令鷄犬婦人見用銀石器慢火先炒黃丹令紫色次下蜜候熬得沫散其色皆紫次入臘月雪水三升再熬二十餘沸將餘藥研成末一處同熬用筋滴於指甲上成珠不散為度以厚紙二張鋪在筲箕上傾在紙上濾過再用瓶子盛放在新水內浸三晝夜去火毒其水日一易之看病眼輕重臨晚用筋蘸藥點大眇頭以眼滋為度若治內障用粃水和成條捏作圈子臨卧置眼上傾藥在內如此用之一月見效

(治赤眼後生翳膜方)

右以蘭香子淨洗曬乾每用一粒以筋點大眇頭閉目即覺藥在目內團圓旋轉藥以過即不轉須臾自隨眇淚出若翳膜在上如魚眼然再易一粒以病限為度

(洗眼方)

韶粉

防風

馬牙消

餅子銅青

右為末每用一字溫湯調不拘時洗立效

(小决明散)治班瘡入眼

草决明

青箱子

乾葛

槐花

敗荷葉

水上者
一皮

右為末食後米泔水調下二錢如四五十日病只此藥若半年日久則眼老睛懸宜合后藥

香白芷

香附子

連翹

甘草

蟬退

右到散每服二錢水一盞煎去滓調煎藥服仍忌熱味

〔浮萍散〕治班瘡入眼大小兒皆可用之

浮萍陰乾為末

右每服一錢以生羊子肝半箇入盞內以杖子刺碎浚水半合絞取肝汁調下食后不甚者一服差已傷目者十服見效

〔黃連膏〕治眼瘀肉攀睛風痒淚落不止

扑消

一升以水半盞淘去土陰乾用

白丁香

半升以水半盞淘去土擦細用

黃連二兩為末

右取水入硝香釜內熬至七分淘出令經宿水面浮牙者取出控乾以帛作袋盛風中懸至風化將黃連末熬清汁曬乾消用猪膽羊膽和加蜜妙點之效

〔滌昏膏〕治風眼疼痛不可忍者洗之妙

好崖蜜

半斤

黃連

五錢

沒藥

二錢

黃丹用錢炒紫色

右入蜜同熬黑煎黃連成稠汁入二味藥內煎熬稠更入沒藥末同熬數沸瀝去滓洗仍用后通天散搗鼻

（通天散）治偏正頭疼一切壅滯明目

赤芍藥

川芎

黃連

黃芩

玄胡索

草烏頭

當歸

乳香別研各等分

右為末每服少許紙撚子蘸藥搗鼻神效

（飛絲入眼腫痛方）

右用清菜汁點如神

刮指甲上細屑筋頭點

津液點凡屑入眼中其絲自聚拔去 又方飛

絲害左目以石菖蒲推破塞右鼻中右目即塞

左鼻中百發百中

（運墨法）治飛絲入眼令人睛脹突出痛不可忍

新筆兩三管濡好墨更換頻運眼上飛絲纏筆

而出即效

（灸法）目中痛不能視上星穴主之其穴在直鼻上

入髮際一寸陷者中灸七壯仍先灸譙譙穴

穴在肩膊內廉第六椎兩傍三寸其穴抱肘取

之灸二七壯次灸風池其穴在顛顛髮際陷中

與中府正相當即是側相去各二寸

青盲無所見遠視眈眈目中淫膚白膜覆瞳子

臣竊主其穴在鼻孔下俠水溝傍

暗眼灸大椎下數節第十當脊中安灸二百壯

惟多愈佳至驗

風翳患右目灸右手中指本節頭骨上五壯蛙

如小麥大左手亦如之

目卒生翳灸大指節橫紋三壯在左灸右在右
灸左良

針法目不明淚出目眩瞢瞳子痒遠視眈眈昏夜
無見目瞶動與項口參相過僻口不能言刺承
泣穴在目下七分直瞳子

○拾遺十六方

開明口治年深近日翳障昏蒙寂無所見一切目
疾

熟地黄

半兩酒洗

兔絲子

酒洗

車前子

麥門冬

蕤仁

去皮

決明子

地膚子

芫薺子

枸杞子

黃芩

五味子

防風

去芦

澤瀉

細辛

去葉不見火

杏仁

炒去皮尖

北亭藜

青箱子

各一兩

桂皮

兩半

羊肝瀕用白羊者只用肝煮研闌為口煎可久留少則以密湊之

右為末口如梧桐子大每服三十口熱水下日

三服仍戒忌生薑糟酒灸燂等熱物

當歸口治頭疼腦虛眼目昏矇

生犀

人參

白朮

當歸

芍藥

木香

茯苓

丁香

牛膝

酒炒

菴蓉

天麻

腦麝

少許

右為末好酒三升生羊膽一枚熬成膏口如梧

桐子大每服三十口麝香酒下
明眼地黄口治肝腎虛熱風毒黑花眵淚補肝益
腎大效

石斛去苗

防風去芦各二兩

枳殼去穢炒二兩

生乾地黄

熟乾地黄洗焙各半斤

川牛膝去芦酒浸一兩半

杏仁去皮尖炒方研一兩

右為末煉蜜口梧桐子大每服三十口食前温
酒或米飲鹽湯亦可忌一切動風毒等物

菊花散治目赤腫麻豆傷寒后服熱藥并毒食腫
痛如桃李大不得開者

黃芩

大黃

菊花

甘草

防風各一兩

土當歸半兩

右剉散十歲已下每服二錢水一盞煎空心服
貼藥治小兒赤熱腫目

川大黃

白礬

朴消

右為末冷水調作掩子貼日上
搗鼻藥治風熱腫赤難開

雄黃水透

辰砂各二錢

細辛半兩

腦麝少許

右為末口含水以少許搗鼻中

决明口治諸般眼患因熱疾後毒氣攻目生翳膜
遮障服此漸漸消退免使針刀

青箱子炒

防風

枳殼各一兩

羌蔚子

細辛各半兩

枸杞子

澤瀉

土當歸

麥門冬

酒浸二兩
去心各二兩

生乾地黄
宣連

石决明
車前子

炒

右為末煉蜜口如梧桐子大每服三十口食后
麥門冬煎湯送下

(洗藥)治目生翳膜内外障

海螵蛸

生龍膽草

少許

右為末極細用熱湯侵起以銅筋點洗五七次

(點藥)暑月行路眼昏澁者

生龍膽草汁

黃連

三寸切爛

右用生縮捌出汁點入目中

(蜜蒙花散)治十六般内障多年昏暗或近日不明

淚出眩爛一切目疾並皆治之

羚羊角

一兩水煎
剉炒乾

人參

蜜蒙花

二兩

覆盆子

蟾蜍

醋浸各一兩

羌蔚子

析明子

各半兩

地膚子

甘草

枸杞子

各一兩

菊花

槐花

各半兩

右為末食后用飯飲調下二錢

(點眼藥)

右用大田螺一箇淨養去泥然后入瓦合中以
腦麝少許入田螺內揅中封起候十日餘開即
便成水點之

洗眼(碧霞散)

銅青

錢三

滑石

錢一

土膏

兩半

輕粉

麝香

少許

右為末每用少許湯泡洗
敷藥(瞿麥散)

右以瞿麥炒令黃色為末用鵝涎調逐時塗皆
頭即開

(隊翳口)

青羊膽

青魚膽

鯉魚膽

各七枚

熊膽

牛膽

麝香

少許

石決明

一兩

右為末麪糊口梧桐子大空心茶下十口

(磨翳散)

龍腦

曾青

水晶

各半兩

真珠末

琥珀

各一分

右為末夜后以少許點立效

(空青口)治沉翳細看方見其病最深

空青

五味子

車前子

細辛

防風

生乾地黄

知母

石決明

別一兩研

右為末煉蜜口如梧桐子大每服十口空心茶

送下

眼科龍木論卷之十六

世醫得效方卷之十七

口齒咽喉科

口齒咽喉科

口齒咽喉科

口齒咽喉科

世醫得效方卷之十七

口齒咽喉方

建寧路官醫提領陳

南豐州醫學教授危

江西等處官醫副提舉余

口齒兼咽喉科

○總說

口為身之門舌為心之官主嘗五味以布五臟焉
心之別脉係于舌根脾之絡脉係于舌傍肝脉絡
於舌本三經為四氣所中則舌卷不能言七情所
鬱則舌腫不能語至如心熱則舌破生瘡肝壅則
出血如湧脾閉則白胎如雪此舌之為病也口則

志

亦林

賜山

刊行

編集

校正

又稍不然蓋熱則口苦寒則口鹹虛則口淡脾冷則口甜宿食則酸煩燥則澁乃口之津液通乎五臟臟氣偏勝則味應乎口或勞鬱則口臭凝滯則生瘡生瘡者夜不可失眠晝不可就寢違此必甚唇乃全屬於脾唇有病則多宜隨訂以治脾也齒乃骨之余腎主營養呼吸之門戶也故腎衰則齒豁精盛則齒堅又手陽明大腸脉入於牙齒灌於大腸壅則齒亦浮腫虛則宣露挾風則上攻面目疳蠱則齧丘禹切牙為脫為痔皆當隨訂治之喉者候也咽者嚥也咽接三筦以通胃故以之咽物候通五臟以系肺故以之候氣氣喉穀喉皎然明白人諸臟熱則腫寒則縮皆使喉閉風燥亦然五

臟久咳則聲嘶聲嘶者喉破也非咽門病若咽腫則不能吞乾則不能嚥多因飲啖辛熱或復嘔吐咯傷咽系乾枯之所致也自與喉病不同又有懸癰暴腫閉塞喉嚥亦如喉閉狀但懸癰在上腭及関下俗謂之鷺翁又謂之蛾聚俗語聲訛須以後一十八種證辨之

○口病

(洗心散)四順清涼飲治心脾有熱口瘡

(甘露飲)治血熱口瘡已上方並見大

(雞蘇)治胸中鬱熱口臭煩渴方見大類

(黃連阿膠)治口破生瘡米飲下方見大類

(秘傳降氣湯)治虛熱上壅口瘡生薑蘇葉煎食前

吞黑錫丹每服二十粒方見大方科諸氣及痼冷類

（龍石散）治上膈壅毒口舌生瘡咽噎腫痛少許摻患處嚙津

寒水石兩煨三 辰砂二錢半別研 生腦子半字

右為末日夜數次用小兒瘡疹攻口先以五福化毒丹掃却用此摻立効方見小方科疹瘡類

（綠雲膏）治口瘡臭氣痰爛久而不差

黃蘗兩半 螺青二錢

右為末臨卧置一字在舌下不妨嚙津遲明差一法以銅綠易螺青

（升麻散）治上膈壅毒口舌生瘡咽喉腫痛

升麻 赤芍藥 人參洗

桔梗去聲 乾葛各一兩 甘草生用半兩

右剉散每服四錢水一盞半生薑五片煎溫服不拘時候一方加薄荷黃芩

（碧雪）治一切壅熱咽喉閉腫不能嚙物口舌生瘡舌根強言語不正腮項腫痛

蒲黃 青黛 鵬沙

碯消 甘草各等分

右為末每用手指捻摻於喉中津嚙或呷少冷水送下頻頻用之

（換金散）治毒熱口瘡或下虛邪熱

右用乾薑黃連為末摻瘡上初若不堪應手而愈

〔赴筵散〕治口瘡

黃蘗蜜塗炙

滑石研各半兩

五倍子小嫩者一兩

右為末和勻每服半錢許乾搽瘡上良久可飯食奇効

〔傳方〕治滿口瘡爛

方見小方科口瘡類

〔杏粉膏〕治口瘡以涼藥傳之不愈者

杏仁十粒去皮尖去

輕粉一字

右研杏仁調勻臨卧傳瘡上少頃吐之勿嚥

〔青黛散〕治口瘡臭氣瘀爛久不差者

右用黃栢半兩青黛一錢為末臨卧安舌下

〔芎芷膏〕治口氣熱臭

香白芷

川芎各等分

右為末煉蜜口如鷄頭大食后臨卧嚥化一口

〔益智散〕治心氣不足口臭

右用益智去殼加甘草為末時復嚥下或沸湯點立效

〔鵬砂口〕治口臭口乾舌瘡

寒水石燒紅十兩

鵬砂二兩

腦子

麝香各二錢

馬牙硝四錢

甘草浸汁熬膏二兩

右為末甘草膏搜為口麻子大用嚥嚥

〔又方〕香附子炒去毛為末早晚

〔遠智散〕治口瘡立效

五倍子

遠志去心各半兩

右為末搽少許於舌上吐出而瘡已效

〔又方〕朴消寒水石各一錢為末朱砂少許和勻傅瘡上

〔又方〕生薑自然汁漱口數次涎出而效

〔獨勝散〕治口瘡

縮砂殼火煨存性為末摻口內瘡上即安

〔立效散〕治口吻邊生瘡浸淫不愈

檳榔火煨為末入輕粉用飯甑上滴波調傅瘡上立效

〔茱萸散〕治口瘡及咽痛

地龍去土

吳茱萸

去浮者各等分

右為末米醋入生麴調塗足心神效

〔貼足方〕右以茱萸為末水調傅足心效最宜治小

兒口瘡不肯服藥者一貼而愈

〔濯足法〕治下虛上壅口舌生瘡

右以白礬為末用湯化以濯足

○唇病

〔菊花丸〕治脾肺氣虛憂思過度榮衛不和唇裂瀦緊或口吻生瘡容色枯頹男子失精女子血衰悉

宜服之

甘菊花

肉蓯蓉

酒浸洗切

枸杞子

巴戟

去心各等分

右為末煉蜜口梧桐子大每服三五十口米湯

下

〔瀉黃飲子〕風熱蘊於脾經唇燥溼裂無色

黃白芷 升麻 枳殼去穢

黃芩 防風去蘆 半夏湯泡

石斛去根 甘草二錢

右剉散每服四錢水一盞半生薑五片煎不以時服

（薏苡仁湯）治風腫在脾唇口矓動或生結核或為浮腫

薏苡仁 防己 赤小豆炒

甘草各三分

右剉散煎同上

（橄欖散）治唇緊燥裂生瘡

右以橄欖不拘多少燒灰為末以猪脂和塗患處

處

（白灰散）治口緊唇小不能開合飲食不得不急治

則死此亦奇病以此方治之得效名曰緊唇又名潘唇

用白布作燈炷如指大安斧刃上燃炷令刃上汗出拭取傅唇上日二三度故青布亦佳或青布灰以酒服亦可和猪脂塗傅 又以蛇皮揩拭為灰傅之 又以蟻螬燒灰末猪脂調傅又燒亂髮蜂房六畜毛燒灰用脂調傅 亦名馬莖莧黃汁洗緊唇

（灸法）治緊唇不能開合灸虎口男左女右又灸承漿三壯穴在頤前唇下足陽明之會

○舌病

(升麻柴胡湯)治心脾虛熱上攻舌生瘡舌本強
頰兩邊腫痛

柴胡

升麻

芍藥

梔子仁

木通

黃芩

大青

杏仁

石膏

右剉散每服四錢薑五片煎食后服寒重者八

大方科
積寒類

(金沸草散)治風寒傷於心脾令人增寒發熱齒浮

舌腫

方見大方科
傷寒陽止類

(正舌散)治中風舌本強難轉語音不正神妙

蝎梢

去毒一分

茯神木

剉微炒一兩

龍腦薄荷

焙乾二兩

右為末每服一二錢溫酒調食后服

(五福化毒丹)

治唇舌腫破生瘡煩渴

方見小方科疹瘡類

散治風濕寒舌強不能語

枯礬

桂心

各二分

右為末每用一錢安舌下或用正舌散治之

治木舌腫滿口中氣不得吐

右用臘茶陳白梅巴豆七粒去殼同搗如膏薄

苛水調絺羽刷口中得下咽片時即瀉一二行

以粥補之舌已平矣方以薄苛水洗之

(又方)

右以釜底黑煤研勻內外塗舌良久平 又方

真浦黃海螵蛸為末內外皆塗之

〔又方〕治大人小兒重舌腫起舌下

右用朴消研水敷咽喉外其內用成塊者含涎出乃平一方地蟬虫和薄荷研汁帛包蘸舌下腫起重舌極證用指去爪先於舌下筋上擦至根漸深深擦入如此三次又用指蘸水取項后燕窠小坑中筋目上趕下至小屈深深捺入亦三次小兒若飲乳勝前則病去矣

〔黑散子〕治血熱舌忽然腫破

右以釜底煤醋調傅舌上下脫去更傅能先決出血竟傅之尤佳一法用鹽等分調

〔薄荷蜜〕治舌上生白胎乾澁語話不真

白蜜 薄荷自然汁各等分

右以生薑片先蘸水揩洗竟用朱砂雄黃鵬砂腦麝為末傅之良未效更加玄明粉

〔文蛤散〕治熱壅舌上出血如泉

五倍子洗 白膠香 牡礪粉各等分

右為末每以少許摻患處或燒鉄算熟烙乳上

〔必勝散〕治舌衄

真蒲黃炒略 螺兒青各等分

右為末每用少許擦患處少待温鹽水漱之

〔酣飲喉舌生瘡方〕治連月飲酒咽喉爛舌生瘡

右以水中螺蚌肉用葱豉薑椒煮汁飲三盞差〔治重舌〕新蒲黃為細末數傅之吐去又傅凡五七次愈亦治舌腫蒲口不能聲傅之立安

〔又方〕五靈脂米醋一碗同煎逐旋漱口立安
〔舌無故出血名舌衄〕炒槐花為末摻之而愈
〔治舌腫脹〕好鵬砂為末用薄批生薑蘸藥搭腫處
漸退

〔治舌強腫起〕如猪胞以針刺舌下兩邊大脉血出
即消切勿刺著中央脉令人血不止則以火烧銅
筋烙之不止則殺人或以釜下墨醋調傅舌上下
脫去再傅須臾而消此患人多不識失治則死

〔烙腫法〕凡舌腫舌下必有噤虫狀如螻蛄卧蠶有
頭有尾頭小白可燒鉄烙烙頭上即消

〔治失音〕槐花新瓦上炒香熟三更后床上仰卧隨
意而食亦治咯血

○齒病

〔安腎口〕八味口治虛壅牙齒疼痛浮腫方並見大方
科虛損類

〔嘉禾散〕治齒疼朽齒者疣去而齒之左右上下非

痛非腫不能嚼食食後生薑煎一服次以地骨皮

煎湯漱之空心以羊腰一對切片不令斷以葱絲

椒子青鹽蒺藜末固之再用嘉禾散二錢和勻擦

腰子內荷葉包煨熟食之而愈方見大方
科脾胃類

〔玉池散〕治風虫牙疼腫痒動搖牙齦潰爛宣露出
血口氣等疾悉能治之

地骨皮 香白芷 川升麻

防風 細辛 川芎

槐花 當歸 藁本

甘草各等分

右末每用一字許揩牙或痛甚即取二錢用水一盞半黑豆半合薑三片煎溫漱候冷吐之效服亦無妨或用金沸草取熏漱亦佳

〔蟾酥〕治牙疼不可忍者

蟾酥一字

生附子角

二豆大為末

巴豆

一枚去殼去油

麝香許少

右為末研勻蒸餅為口如黍豆大以新綿裹一口噙之有涎即吐去

〔蝎附散〕治同上

蝎梢

七枚不去毒

附子臍

蜈蚣頭

去毒

川烏頭尖

各二介

右為末先用竹杖刺痛牙齦次以紙撚任藥一粟米許在痛處甚骨不過兩三次效
〔細辛散〕治風虫牙疼牙齦宣爛牙齒動搖腮頰腫痛

草烏

白芷各二兩

細辛

荆芥各一兩

紅椒

牙皂

鶴虱

草撥

縮砂仁

各半兩

右為末每用少許擦痛處有涎吐出不得嚥少時以溫水漱口頻頻擦用立效

〔二陳湯〕加細辛枳殼用生薑棗子烏梅煎治毒痰齒痛仍以片子薑黃草撥等分井水煎候溫以舌浸其中涎自流出方見大方科痰瘡類

〔靈脂醋〕治惡血齒痛

右用川五靈脂米醋煎汁含嚥

〔甘露飲〕治毒血齒痛加入升麻煎方見大方科積熱類

〔荆槐散〕治牙宣出血或痛

右用槐花荆芥穗等分為末擦牙仍煎點服

〔鬱金散〕治齒出血

鬱金

白芷

細辛各等分

右為末擦牙仍以竹葉竹皮濃煎入鹽少許含嚥或炒鹽傳

治牙宣鮮紅者〔甘露飲〕瘀紅者雙和湯仍以鹽泥

炒為末搯牙上方見大方科積熱及虛損類

〔搯鼻方〕治牙疼

雄黃

沒藥各一錢

乳香半錢

右為末若左邊疼用少藥搯入左鼻又吹入左耳如右疼搯右鼻吹入右耳

〔塞耳方〕

蒲黃末

乳香末

白芷末各半錢

雄黃末一錢

右和勻以帛蘸藥一字緊塞耳內隨左右仍用京芥咬在痛牙上

〔搯牙方〕

鶴虱

細辛

白芷

甘松各等分

右為末每用少許搯痛牙上如有蛀孔用藥入

按孔中效

〔治牙齒痛〕

右以蕪荑仁安蛀齒上有縫就塞之立效

〔治風虫牙疼〕

馬夜眼上以刀兒薄起一片子扱在所患牙縫中或咬在痛處瀝出風涎即止不可嚙

〔乳香膏〕治虫牙痛

光明白礬

枯過

滴乳香

各等

右為末溶蠟量多少和成膏旋口看虫牙孔子大小填之其痛立止神效又方入胭脂少許和令深桃紅色只作散遇牙疼痛用一字以揩擦良久温鹽湯漱口

〔治牙痛〕

白僵蠶直者不以多少用生薑片切同炒候赤黃色為度去薑不用為末每用取不虫皂角剥去黑皮以手指蘸湯於皂角黃上擦取汁調殭蠶末揩痛處即止

〔逡巡散〕

治風牙疼腫不拘新久一服立效

高良薑

二塊

約

全蝎

一枚

右為末以手指點藥如齒藥用須擦令熱徹須臾吐出少涎以鹽湯漱口大妙亦治腮頰腫痛

〔牢牙散〕治一切齒痛不問久新風疼痛立效

全蝎

七枚

去毒

細辛

三錢

草烏

二介

乳香

二錢

別研

右為末每用少許擦患處須臾以溫鹽水灌漱
〔芥草散〕治風壅熱氣上攻齒齲浮腫或連頰車疼
痛或宣露血出

芥草

川升麻

柳枝

槐角子

鶴虱

地骨皮

藁本去芦

槐白皮

右剉散每服一兩水一椀入鹽少許煎熱含冷
吐之

〔防風散〕治牙疼

防風

鶴虱

各等分

右剉散濃煎噙漱立效老鶴虱草研爛塞痛處
亦可

〔消風散〕治齒熱痛斷腫有汁先傳以消風散又以

扑消傳其上又法用川升麻煎湯漱嚥解毒方見風科

熱訂類

〔香椒散〕治冷訂齒痛

香附子

紅川椒

故紙炒各二錢

葷撥一錢

右為末和炒鹽二錢擦傳

〔川芎散〕治面腫牙疼不可忍

川芎

白芷

細辛

各等分

右為末擦兩三次鹽湯漱立止

〔秘方揩牙散〕治牙疼遇喫冷熱獨甚

良薑

細辛

大椒

草烏尖

右為末以指蘸少許揩牙上噙少時開口流去
涎妙
牙痛有四訂

熱者怕冷水用牙消薑黃雄黃京芥 冷者怕
熱湯用乾薑草撥細辛 不怕冷熱乃風牙用
猪牙皂角殭蠶蜂房草烏 有竅者蛀牙用雄
黃石灰沙糖用藥了並用溫水灌漱之為佳
取虫方治牙有虫而痛

韭菜頭連根洗淨爛搗同人家擗板上泥和勻
搽痛處腮上用帛貼之一時頃取下細虫在
泥上可以絕根

揩漱方治無故牙動牙宣出血

香附子去皮毛剉碎用薑汁浸一宿曝乾為末
漱口揩齒堅無動無血矣

已驗方治牙疼

露蜂房

瓜蒌皮

右等分燒灰去火毒擦牙或以烏指根韭菜根
荆柴根葱根四味煎湯溫漱

甘松香散治一切牙疼

甘松香

小菴草

川烏

去皮臍
各三錢

北細辛

去葉
三錢

硫黃

半錢

香附子

炒去毛
二錢

右為末以手指蘸少許揩牙上立效后用鹽湯
灌漱妙

秘方治經歲牙疼

楓香脂為末入每焚香爐內灰再篩過常日洗面時用揩牙上永無斯疾又臨睡以溫水淨嗽為佳

〔小薊散〕治牙齒宣露出血

百草霜

小薊

香附子

妙去毛

真蒲黃

各五錢

右為末揩牙齒上入愈

〔芫花散〕治牙疼

陳芫花一握甘草節五錢細剉各煎先用芫花

湯噙唾去次用甘草水噙少時效

〔治蛀牙疼〕莽草為末擦三五次虫即無

〔治風蛀牙痛〕

霜殺老絲似燒存性為末擦痛處立止

〔治血風蛀牙〕

雄黃

乳香

各一錢研如粉

麻黃

半錢

白芷

一字

右為末研勻痛時先以荊芥穗咬在痛處口涼去之次用皮紙燃津濕之點藥少許隨痛邊塞

耳內

〔又方〕露蜂房炒川椒一錢為末每二錢煎入少鹽

乘熱漱之

〔又方〕風蛀痛牙用針刺杏仁清油燈上煙熏乘熱認定病牙以杏仁搭之又復熏搭七次絕不痛但其病牙逐時落去斷根

(治虫蛀牙痛)

紅川椒錢三

明乳香錢一

右同研細溶蠟口如麻子大每用一口塞孔中

(敷藥退腫)

天花粉

白芷

赤小豆

鬱金

荆芥

薄荷各等分

右件日乾為末蜜水調塗痛處

(常用齒藥)牢牙去風冷虫螻宜露不問老少用之

甚效

槐枝

柳枝

皂角

鹽四兩

降真香

白膠香

右同入甕瓶內黃泥固濟糠火燒一夜候冷取

出研細用如常法

(牙齒日長方)

牙齒逐日長漸漸脹開口難為飲食蓋髓液所

致只服白朮愈及煮水灌漱

(齒間肉壅方)多因食鹹熱物而得

生地黄汁一椀猪牙皂角數銚火上炙熱蘸令

汁盡為度或為末付壅肉上隨即消縮或扑消

末傅上即消

(灸法)以線量手中指至掌后橫紋折為四分去三

分將一分於橫紋后臂中灸三壯隨左右又

以兩手交叉以中指頭盡處是穴灸七壯永不

疼手背上又灸肩顯七壯隨左右又法灸耳垂

下牙盡骨上三壯未效加壯數

〔又法〕治口齒蝕生瘡

承漿一穴在頤前唇下宛宛中可灸

〔又方〕治唇吻強齒斷痛

兌端一穴在唇上端鍼入二分可灸三壯

〔導引方〕治齒痛

東向坐不息四通上下琢齒三十六下

輔車開不可合飲令大醉睡中搐鼻嚏則自正

又南星末生薑汁調傅帛縛合一宿愈去風也

又法一人以手指牽其頤以漸推之則復入矣

推當疾出其指恐嚙傷

灸法治失音頰車蹉灸脊第五椎一日二七壯

又灸足內踝上三寸宛宛中或二寸五分各三

陰交穴

喉病

秘傳咽喉一科

一十八種喉風證

一單蛾風其形圓如小筋頭大生於咽喉關上或

左或右關下難治

二雙蛾風有兩枚在喉關兩邊亦圓如小筋頭長

關下難治

三蟬舌風自舌下再生重舌者是

四牙耆風牙齦上聚成癰毒者

五木舌風其舌相似煮熱猪舌不能轉動者

六舌黃風自舌上腫痛黃色者是
七咬牙噤口風近牙窮頭作響口噤不開者

八魚口風如魚吸水者不治
九聚毒塞喉風喉閉聚毒涎唾稠實發寒熱仍分

上下三關破毒下關難治

十玄耆蠱毒風上眶食掩水外做形如雞卵者

十一搶食風一名飛絲毒口中或食腥惡發泡者

十二獵頰風腮臉結腫者是從牙窮頭碎此毒若

成須要半月調理

十三纏喉風風自耳邊過順下赤色者是也亦有

寒熱如甚者傷人命

十四松子風口內滿喉赤如猪肝逆張吞則關閉

塞飲食不能者是用藥後口內散點松子樣腫

則喉關響如雷則不治

十五崩砂甘口風自舌上牙齦上下腫赤口內作

響如湯熱牙齦漸爛甚者亦能脫齒

十六連珠風舌自上作毒或初成一箇碎而又作

一箇以至三五七九箇者是

十七蜂子毒或在腮臉洋爛或在喉關舌下作響

如黃荆蜂者是

十八走疰癩癧風頸項結核五七箇皮膚赤腫作

寒熱者

針灸法

第一穴風府穴腦後入髮際一寸治咽喉諸證及

毒氣歸心等項惡證並皆治之無有不效針入

穴高主暈恐傷人不可不知須令人扶護乃針

第二穴少商穴在手大指表近虎口一邊指甲與根齊離爪如韭葉許針入二分病甚則入五分咽喉諸證皆治

第三穴合谷穴穴法口授治牙關不開則陽靈穴應針各刺一刺出血入二分閉竅即開又有一證潮熱者有作寒者於合谷穴用針左轉發寒右轉發熱

第四穴是上星穴在頂前入髮際一寸治頰腫及纏喉風等證又氣急者實熱針足三里虛熱灸足三里以手約膝取中指稍盡處是穴

根脚咽喉常發者耳垂珠下半寸近腮骨灸七壯二七尤妙及灸足三里穴在膝下三寸斷骨外赤眼挑耳後紅筋針鑽竹穴即安穴在兩眉頭陷中

實熱

一用敗毒散加黃芩半夏連翹倍用桔梗用生薑薄荷煎痰盛者加石膏同煎即效凡服此藥早晨服則午時攻作午後則子時攻作天明退用針則無此攻作若服此藥后自利即換作虛熱醫后藥不可用服敗毒散后失聲即服加減秘傳降氣湯方見大方傷寒類二用生科消風散加玄參全蝎薄荷白水煎服

三用前二藥不退用生料洗心散更加一二味
去風毒藥為妙大方見風科熱證及
四用前三藥不退用防風通聖散立效科方見風

虛熱

一用雙解散乃升麻葛根湯消風散加玄參黃芩薄荷煎

二用秘傳降氣湯加生薑黃芩已上方見大方

三如痰盛用桑白皮湯磨沉香吞養正丹仍用
桔梗半夏湯冷木附湯等藥調理方見大方科

又一證上秘下瀉用秘傳降氣湯吞碧雪膏附
子理中如無用桑白皮湯亦可方見諸氣類

類冷
用消毒飲水煎時時灌漱科方見小方
咽喉生瘡令閉聲不出者秘傳降氣湯去陳皮加
黃芩煎仍於喉下咽管口灸三壯即愈方見大

虛實灌漱藥

勝金散治咽喉腫痛氣急諸項等證於內麝香旋
入有孕者不可用麝不問冷熱虛實並皆通用若
痰盛者如煎藥內所用不應於中略加膽礬少許
立效或吐無妨

類氣

立效或吐無妨

鬱金 三兩

大朱砂

南雄黃 其色勝如朱沙者妙各五錢

麝香

乾胭脂

菜豆粉 各半二錢

白礬 半生半枯

光粉 各五錢

右為末研薄荷汁同研少許調服

防風散 虛者少用實者多用

防風 去芦一兩

羌活

黃藥子

白藥子 蜜炙

殭蠶 炒

鵬砂

大黃 帝裏培令香熟

荊芥

細辛

川芎

紅內消

鬱金

山豆根

甘草 已上各五錢

牙硝 三錢

薄荷葉

右為末研薄荷汁同蜜少許調藥

玄明粉用朴消十斤防風一斤煎水泡溶却用布

併花葉紙澄濾七遍却於霜下露天露一夜却

取內牙消再用防風水淋漕淨用瓦鉢熬煎成

鹽却再入鼎內用鹽泥固濟炭火燒一時通紅

為度出火去毒研為末每一斤用甘草三兩每

服一茶匙溫熱水調如實熱煩渴口乾燥作煩

者可略加鵬砂腦子入口噙化乾喉風立效

追風散

黃丹

朴消

猪牙皂角

燒縮砂殼 灰各五錢

右為末每服少許以鵝毛蘸入口中舌上下及

腫處用水灌漱如喉間毒已破瘡口痛者用猪

腦髓蒸熟淡薑醋喫立效
如病將可有身體痛於所服藥內加川秦艽同煎效

死候

毒氣歸心胸前腫滿氣煩促下部洞泄不止

重舌木舌川烏尖巴豆為末米醋調刷患處即效

木舌須先服勝金散開關竅又方見舌病類

帝鍾風即喉間帝鍾長腫有長數寸者虛實用前

藥外以食鹽煨過鴉毛蘸下即消不須掛破破

則傷人

黃針法

烏頭一兩去尖

巴豆一兩

硫黃兩半

麻黃五錢

木鼈子介十

烏梅

右用藥同入甕石器內水煮一日洗擇之再用

止痛藥沒藥乳香當歸花蕊石各半兩又如前

水煮一日取出用皂角水洗再於犬肉內煮一

日仍用瓦屑打磨淨端直菘子油塗常近人氣

為妙

合瘡口白礬黃丹麝香為末以銅筋點瘡口上

又方滑石黃丹為末點瘡口效切用黃各一兩二錢甘草二錢為散

煎服為妙

破毒妙方

白礬

巴豆去殼

紅內消

草烏尖

猪牙皂角

薄荷各二錢

右為末好酸醋調鵝毛刷入口內勿吞仍以鹽湯灌漱

(雄黃散)治纏喉風喉閉先兩日胸膈氣緊取氣短促忽然咽喉腫痛手足厥氣閉不通頃刻不治

巴豆 七粒三生四熟生者去殼生

乾桑黃茹 研熟者去殼燈上燒存性

鬱金 一枚蟬肚者研為末

右再研勻每服半字茶清少許下如口噤咽塞

用小竹管納藥吹入喉中須臾吐利即效

(又方)川升麻四兩剉碎水四碗煎至一碗灌下

(又方)皂角二根槌碎按水一盞灌下或吐或不吐

即安

(取喉中涎)

草烏尖 殭蠶 紫貝根 嗽唧

紅椒 白礬 山豆根 皂角 各等分

右為末用霜梅拌藥為口如指頭大含化一口取下涎然後用鹽湯灌漱吐出不可吞

(開關潤喉蓬萊雪)

梅花腦子 生麝香 各一錢 鵬砂 二錢

朴消 五錢已上別研 薄荷葉 百藥煎

全蝎 去毒 防風 去 粉草 各五錢已上並研

明乳香 沒藥 各三錢葉盛火熨別研

右為末每服少許以小匙挑乾摻咽間及瘡上如在關下糝舌上並旋旋嚥下仍用薄荷桔梗

甘草煎水噙嗽或用生薄荷研自然汁調成膏入口噙化亦妙

〔開喉關〕

薄荷

山豆根 各五錢

麝香

腦子 各半錢

朱砂 三錢

甘草

青鹽

川烏 各五錢

右為末每用半錢臘月內菘菜汁夏月黃麥按水或葛水調如涕唾稠粘用巴蕉水調下或蜜口指頭大含化

去涎方

並碎法

草烏尖鴨嘴青膽礬為末先用醞醋煮皂角調鵝翎刷傳赤腫處開口流去涎即將綿毬一指

頭大以布線繫定蘸前藥末吞嚥至腫毒處即抽出凡如此一二次其毒即破開口流出去盡涎血却以前合瘡口藥點上停久溫鹽水灌漱后進食亦可

〔又開喉關〕

南星 半夏

川烏 草烏

甘草 各五錢

右為末用米醋煎成膏傳毒上

〔宣利方〕

巴豆 三七粒 去殼

雄黃

鬱金

猪牙皂角

大黃 各五錢

右為末飯口如棗豆大每七九五更三點以冷茶清吞下如未利再下四五口

〔通後補助〕

紫蘇

右劉散每服四錢水煎空心服

甘草

〔乾喉風〕

朴硝

川烏

當歸

牛膝

各五錢

麝香

腦子

各半錢

鵬砂

三錢

荆芥

薄荷

甘草

葛粉

各五錢

全蝎

十介去毒

右為末用清米泔調春用菘菜汁調夏黃麥汁調如不能吞用豆腐切如棊子塊蘸藥入口內含化或新艾汁調下立効

〔搶食風〕

桔梗

川烏

草烏

防風

甘草

大青根

各五錢

全蝎

七介去毒

紫河車

五錢

右為末每服用酒一盞連根葱一莖紅椒七粒燈心七莖同煎三四沸食后熱服如不安再用酒一盞入茱萸五粒同煎少時熱服之未効用蕉湯調下如落心肺間刺痛用宣藥利下如久不治則變為飛絲勞毒能傷人命

〔潤關住痛〕生薄荷研蜜調成膏送入喉咽下立効

如涎多未退再用如更不開可通項又用葱頭兩箇搥碎安牙窮頭處立閉妙

治誤吞銅鉄金石竹木刺鷄鵝魚諸骨鯁

川山豆根

山蜈蚣

山茨菇

葳靈仙

鐵却者

滑石

馬牙硝

金星鳳尾草

各一兩

急性子

二兩

苧麻根

錢五

菜豆粉

錢五

甘草節

三兩

鐵油浸二宿

磚

五兩 製一年 廁中

右為末白及五兩與糯米糊一處和劑成錠子如梧桐子大每用一錠冷水磨化即下骨哽若金石銅鉄則以生薑汁磨化下

得效方卷之十七

得效方卷之十八 外科精要

建寧路官醫提領陳

志

刊行

南豐州醫學教授危

亦林

編集

江西等處官醫副提舉余

賜山

校正

正骨兼金鏃科

○秘論

骨節損折肘臂腰膝出臼蹉跌須用法整頓歸元先用麻藥與服使不知痛然後可用手凡脚手各有六出臼四折骨每手有三處出臼脚亦三處出臼手掌根出臼其骨交互相鎖或出白則是剉出鎖骨之外須是搦骨須鎖骨下歸窠或

出外則須搦入內或出內則須搦入外方入窠白
共只用手拽斷難入窠十有八九成痼疾也
手六出白四折骨凡手臂出白此骨上段骨是
白下段骨是杵四邊筋脈鎖定或出白亦到損筋
所以出白此骨須拽手直一人拽須用手把定此
間骨搦教歸窠看骨出那邊用竹一片夾定一邊
一邊不用夾須在屈直處夾才服藥後不可放定
或時又用拽屈拽直此處筋多喫藥后若不屈直
則恐成疾日後曲直不得
肩胛上出白只是手骨出白歸下身骨出白歸上
或出左或出右須用春杵一枚小凳一箇令患者
立凳上用杵撐在下出白之處或低用物簞起杵

長則簞凳起令一人把住手尾拽去一人把住春
杵令一人助患者放身從上坐落骨節已歸窠矣
神效若不用小凳則兩小梯相對木棒穿從兩梯
股中過用手把住木棒正稜在出白腋下骨節蹉
跌之處放身從上墜下骨節自然歸白矣
脚六出白四折骨或脚板上交胛處出白須用
一人拽去自用手摸其骨節或骨突出在內用手
正從此骨頭拽歸外或骨突出向外須用力拽歸內
則歸窠若只拽不用手整入窠內誤入成疾
脚膝出白與手臂肘出白同或出內出外亦用一
邊夾定此處筋脈最多服藥復時時用屈直不可
定放又恐再出窠時時看顧不可踈慢

脚大腿根出白 此處身上骨是白腿根是杵或
出前或出後須用一人手把住患人身一人拽脚
用手盡力搦歸窠或是剉開又可用軟綿繩從脚
縛倒吊起用手整骨節從上墜下自然歸窠
背脊骨折法 凡剉脊骨不可用手整頓須用軟
繩從脚吊起墜下身直其骨便自歸窠未直則未
歸窠須要墜下待其骨直歸窠然后用大桑皮一
片放在背皮上杉樹皮兩叁片安在桑皮上用軟
物纏夾定莫令屈用藥治之

脚手骨被壓碎者須用麻藥與服或用刀割開甚
者用剪剪去骨鋒便不衝破肉或有粉碎者與去
細骨免膿血之禍然後用大片桑白皮以二十五

味藥和調糊藥糊在桑白皮上夾在骨肉上莫令
差錯三日一洗莫令臭穢用藥治之又切不可輕
易自恃有藥便割便剪便弄須要詳細審視當行
則行尤宜子細或頭上有傷或打破或刀傷骨碎
用藥糊角縛不使傷風切須記之 用藥治傷則
用糊藥封角切不可使風入之浮腫甚惡血自消
散不攻瘡口

正骨金瘡脉候

正骨金瘡須看脉候如傷臟腑致命處一觀其脉
虛促危矣傷處淺命脉虛促亦為後慮傷至重命
脉和緩永無慮也脉有虛有實有去來有疎密或
被傷臟脉不死者必關脉實重則無慮或傷至死

處其關脉無別脉洪大則難醫如用兩件藥後脉不轉動急急住藥若脉漸漸隨藥轉此則可治無慮或血出甚者脉不要洪大只要平正重實其血不曾出者亦無惡血在內者其脉欲洪大不要疎密亦不要進退來去恐其變凶看傷脉每與內科脉不同或傷內或致命或難醫處被傷者命脉便已去矣此等切勿治之

十不治證

擗撲損傷或被傷入於肺者縱未即死二七難過左脇下傷透內者 腸傷斷一半可醫全斷不可治 小腹下傷內者 證候繁多者 脉不實重者 老人左股壓碎者 傷破陰子者 血出盡

者 肩內耳後傷透於內者皆不必用藥

用藥加減法

傷有淺深隨其吉凶用藥如折骨者則用後二十五味接骨方治之再加自然銅白芷乳香沒藥川芎各五錢立效若傷臟腑用清心藥加川芎當歸赤芍藥各三錢 或肚腸傷破加白及五錢同後清心藥服 或被傷浮腫不退加皂角黃柏皮半兩入紫金皮散內傳之 或頭破傷風亦用紫金皮散加皂角黃柏皮傳之立退 或筋斷接筋者用二十五味加斷續半兩 或諸處傷痛不止者仍用二十五味加川芎五錢 或惡血汚心不下用后清心藥加大黃枳殼五錢 或氣觸痛加木

通丁香藿香三錢同二十五味服之凡加減末者加末散者加散其餘只依本方不用加減不孕婦顛撲傷損先用安胎藥后服二十五味接骨去草烏川芎餘依本方

腸肚傷治法

肚上被傷肚皮俱破腸出在外只腸全斷難醫傷破而不斷者皆可治療腸及肚皮破者用花藥石散傅線上輕用手從上縫之莫待糞出用清油擦活放入肚內 肚皮裂開者用麻縷為線或槌桑白皮為線亦用花蕊石散傅線上須用從裏重縫肚皮不可縫外重皮留外皮開用藥摻待生肉

又用藥加減法

凡損若不折骨不碎骨則不可用自然銅於藥內除去無痰涎不用半夏 老人有傷者骨脈冷每用加當歸川芎川烏木香丁香人參五錢去白芍藥生地黃此亦是二十五味內加減老人即服此或傷臟腑者不問老少如有血并痰從口中出者用清心藥加丁皮川芎半夏入二十五味內同服退腫角血或皮冷加乾薑五錢入退腫藥內糊腫上腫及血自然退散或皮膚熱者加黃柏皮皂角五錢入腫藥內角腫處自然退 又

用麻藥法

顛撲損傷骨肉疼痛整頓不得先用麻藥服待其不識痛處方可下手或服後麻不倒可加曼陀羅

花及草烏五錢用好酒調些少與服若其人如酒
醉即不可加藥被傷有老有幼有無力有血出
甚者此藥逐時相度入用不可過多亦有重者若
見麻不倒者又旋添些更未倒又添酒調服少許
已倒便住藥切不可過多亂燒香如黃時又字
瘡口血出不止則用方中止血藥傳之如洗開後
瘡孔大甚且先用降真香龍骨沒藥摻之肉即生
止瘡孔上須用油單貼待膿血汁出莫待菽塞如
夏月用藥以薄荷葉貼瘡孔一日一度湯洗又用
藥摻如肉上滿瘡口用手搦不痛如好肉一般即
用收瘡口藥傳上却莫貼待風稍瘡口立收若未

生實肉切不可先收瘡口裏面恐為患也

傷破吐皮用藥法

如傷孔大肚腸與脂膏俱出放入內則用縫如孔
小只有膏出先用清心藥與服用手擘去膏不用
縫此膏出者已無用了不可復入肚中反成禍只
須擘去不妨此是閑肉但放心去之肚肉被傷者
專用退利大小腸不可待秘恐成重患

打擲及樹木壓徧身痛者

打擲樹木壓或自高處擲下者此等傷皆驚動四
肢五臟必有惡血在內專怕惡心先用清心藥打
血藥及通大小腸藥次第先服臨服加童子小便
入藥內立效專用大小腸洗利恐作隘塞利害之

甚清心藥加前方通利大小腸藥服之自然俱通
無悶煩無惡血污心以次用止痛藥服之即止
去惡血法

顛撲傷刀石傷諸般傷損至重者皆先服清心藥
次服清小便藥三服去血藥或
被傷者

血未結打從瘡口中出或結在內用藥打入大腸
時即泄出或被打被顛被木壓惡血未積者用藥
打散四肢或歸臟腑者或歸上膈者打從口中吐
出或歸中膈打入大腸泄出先用此急救次服止
痛藥 止痛藥即二十五味藥中加減用

用藥湯使法

凡藥皆憑湯使所使方先但用清心藥煎後用童

便一盞同服 或止痛重傷者則用薑湯燈心湯
調二十五味藥服之薄苛湯亦可 凡傷或刀傷
及損肉臟腑恐作煩悶崩血之患如折骨者用薑
酒服接骨藥傳之如骨碎被重打重顛重木及石
壓者皆用先服湯使法並未用酒服如輕顛撲損
傷則用薑酒調下二十五味藥立效

通治

(顛撲刀傷接骨方) 服

臘月猪脂兩五

黃蠟半斤以

鈆丹羅

自然銅四兩

密陀僧四兩

朱砂一兩

右用新鐺鼎先鎔脂次下蠟於冷處下密陀僧
鈆丹自然銅緩火再煎入水中不散更出鼎於

冷處下諸藥用柳篋攪勻瀉入甕器內不佳手攪至凝口如彈子大且用箏皮之類襯之極冷方收 凡傷碎骨者木石壓碎骨者先用此藥大化開糊骨上然後夾定用此藥服之須作小口如梧桐子大每服十口葱酒調下或傷損深者搥成條入孔中淺者用油單為膏藥貼之甚者燈心裹木夾之如藥力散再覺痛更一服痛即止又痛甚者貼之即止

〔又方〕二十五味服治癩撲損傷骨碎骨折筋斷刺痛不問輕重悉能治之大效

香白芷 醋炒 加減 紫金皮 醋炒 劉寄奴
 川當歸 水煨 炒 鹽 赤芍藥 浸 炒 白芍藥 浸 炒

黑牽牛 茶炒 水 生地黄 鹽炒 水 川芎 浸 水
 川牛膝 茶炒 水 乳香 可加 減 沒藥 可加 減
 破故紙 醋炒 木通 去節
 自然銅 骨不碎折不用 臨好時用 木香 茶炒 水
 藿香 木賊 官桂 可加 減
 羌活 獨活 半夏 五錢 水 炒 無痰 不用
 骨碎補 草烏 醋炒 孕 不用 各一兩 川烏 火煨 孕 婦 則
 或加土當歸熟地黄 鹽炒 水 杜牛膝 茶炒 水 土芎 水
 浸尤妙 金刀傷剉出白者去自然銅骨碎骨折者用之 然須於此方內且去自然銅臨欲好時却入用 之早服成他疾右先擇出自然銅官桂沒藥乳

香不炒者其餘藥或炒或火焙或日曬乾皆可
然後入不炒四味同研為末用蜜糊口如彈子
大用黃丹為衣或被擲撲傷損金刃箭鏃不問
輕重每服一口如被刃傷全斷損內重者以薄
苛湯或木瓜湯薑湯燈心湯吞下皆可或擲碎
骨及折骨用自然銅其他不用如骨折刺痛
不止加乳香沒藥白芷川芎各五錢入諸藥中
生薑酒下或不作口為末亦可功效如神

〔又方〕服治擲撲接骨刀傷

川當歸

半兩洗淨別搗

鈆粉

半兩粉為上

鵬砂

二錢

右為末每服二錢濃煎蘇木汁調下若損在腰
上先喫淡麩半碗了服藥若在腰以下先服藥

後喫淡麩仍不住呷蘇木汁更以糯米為粥入
藥末三錢拌和攤在紙上或絹上封裹損處如
骨碎更須用竹木夾定以紙或衣包之

〔清心藥方〕

降真香

枳殼水浸去心

紫金皮

木通去節

蓮子肉酒蒸

當歸濕紙煨

獨活

燈心少許

香白芷醋

藿香清油炒

木香茶炒水

山梔子

沉香

川芎煨

花蕊石醋炮

赤芍藥各等分

蘇木鹽水炒

丁香鹽水炒

丁香米泔炒

大黃

人參

羌活

烏豆

右為末或大小腸不通服此亦可用五膈寬中散同服立效或惡血汚心或煩悶暴死每服二錢薄荷湯或燈心湯調下或童子小便尤好為散水煎服亦可如痰血口中出加半夏

〔自然銅散〕治打擷折骨損斷正骨科中經驗方也

乳香

沒藥

蘇木

降真香

川烏

松明節

自然銅

火煨米醋煨七次各一兩

地龍

去土清油炒半兩

真血竭

三錢

龍骨

生用羊兩

土狗

十枚油浸焙為末本草名蝮蝮

右為末每服五錢用無灰酒調下如病在上食后服病在下空心服服之自頂心尋病至下兩

手再周遍一身下及兩足遇病處則颯颯有聲

患人自覺藥力習習往來

〔又方〕

自然銅

累累然相綴如亂絲者最佳一兩重

右研細水飛過同當歸沒藥各半錢和勻每服三錢酒調頻服仍以手摩痛處

〔導滯散〕治重物壓疔或從高墜下作熱吐血下血出血不能禁止或瘀血在內胃腹脹滿喘麁氣短兼能打去惡血

當歸

大黃

各等分炒過

右為末每服二錢不以時溫酒調下
〔雞鳴散〕凡墜壓死者急安好處以手袖揜其口鼻

上一食頃眼開先與熱小便若初覺氣絕不能言
急擘開口以熱小便灌之打撲悶絕亦用先以此
利去瘀血

筋(活血丹)治患者血脉不和筋急行步不可服之寬

乾地黄

酒煮二兩

當歸

煨

白芍藥

下血

續斷

麩水炒

白木

煨

川芎

醋炒各一兩

右為末麩糊口梧子大每服三十口温酒下

(大嶽活血丹)治男子婦人外傷內損狗傷虫咬車
馬撲墜手足折傷一切疼痛腹中瘀血刺脇築心
左癱右瘓走注疼痛癰疽痔漏及婦人冷氣入腹
血脉不通產後敗血灌注四肢及吹妳腫痛

花桑枝

如臂大者燒烟
淬米醋中焙乾

栗楔

栗蒲中心扁薄者
薄切日乾各一斤

細墨

半斤一用草麻三兩細研塗墨上塗
盡帛包黃泥固濟乾炭火五柒斤燒赤

冷地上出火兩時一半用醋
化破碎塗墨上火炙令乾

皂角刺

一斤燒赤
醋中炙乾

大黑豆

一斤濕布揩去
垢黑皮焙乾

亂髮

二斤皂角水淨洗用清油
斤炒頻捻看脆即止為末

乳香

四兩通明滴乳者細
研入米醋一梳熬熟

右和為末杵三千下口彈子大如膏乾更入醋

糊口痛甚一口輕者半口以無灰酒一盞乳香

一豆大先磨乳香次磨藥盡煎三五沸臨卧温
服以痛處就床欲汗則被覆仍用藥塗傷處切

忌一切動風物婦人服入當歸末一錢孕婦勿服

〔當歸散〕救急療墜馬落車被打傷腕折臂呼叫不絕服此呼吸之間不復大痛三日筋骨相連

當歸

炒令香

桂心

甘草

炙

蜀椒

去汗各三分

芎藭

陸分炒

附子

炮去皮臍

澤蘭

炒各一兩

右為末酒服二三錢日三服如小兒被奔車馬

所損傷其膝皮肉決見骨節絕死少蘇啼不可聽聞服之便睡十數日便行走其神驗如此忌

海藻菘菜生葱猪肉冷水

〔花蕊石散〕治一切金刀斫傷箭鏃及打撲傷損身

體猫犬咬傷或至死者急於傷處糝藥其血化為黃水再糝藥便差更不疼痛如內損血入臟腑熱煎童子小便入酒少許調一大錢服之立效若牛舐腸出不損者急內入細絲桑白皮尖茸當線縫合肚皮縫上糝藥血止立活如無桑白皮用生麻線亦得並不得封裹瘡口恐生膿血如乾瘡以津潤之然後糝藥方見大方科失血類

○內損

〔大紫金皮散〕治打撲傷折內損肺肝嘔血不止或

瘀血停積於內心腹脹悶

紫金滕皮

降真香

續斷

補骨脂

無名異

燒紅酒

琥珀

研別

蒲黃

牛膝

酒浸一夕

當歸

洗炮

桃仁

去皮炒各一兩

大黃

煨裏

朴消

別研各一兩半

右為末每服二錢濃煎蘇木當歸酒調并進三

服利即安

〔沒藥散〕治打撲內損筋骨疼痛

沒藥

乳香

芍藥

川芎

川椒

去子及合口者

當歸

各半兩

自然銅

貳錢半炭火燒

右為末用黃蠟二兩溶開入藥末不住手攪勻

口如彈子大每服一口用好酒煎開乘熱服之

隨痛處卧霎時連進有效

○打撲傷損

〔加味芎藭湯〕治打撲傷損敗血流入胃腕嘔黑血

如豆汁

芎藭

當歸

白芍藥

百合

水浸

京芥穗

各等分

右剉散每服四錢水一盞酒半盞煎不以時服

〔木香勻氣散〕治從高墜下或打撲傷損腰脇心腹

作痛加紅麴末少許童子小便同酒調空心熱服

如無紅麴紅酒亦可

方見大方科諸症類

〔麝香散〕治從高墜下及打撲損傷

麝香

水蛭

各一兩

右用水蛭剉碎炒至煙出研為末入麝再研勻

每服酒調一錢匕當下蓄血未效再服其應如

神又治折傷用水蛭熱酒調一錢食頃知痛更進一服痛止更將折骨藥封直至安平方去

〔平胃散〕治打撲傷損不問凡破與暗傷悉能治之用冷水調塗則愈方見大方科脾胃類

〔雙鳥散〕治諸傷百損如被打破傷損久后時時疼痛雖新被傷縱不破皮而內損者尤宜服此

川烏 草烏 當歸 蘇木 大黃

白芍藥 生乾地黄 紅麴炒各半兩 麝香少許

右為末用酒煮一瓦瓶放冷服如覺痺麻無害但草烏頭生用有力恐太猛所以用溫火略炮〔救急方〕療墜馬落車傷腕折臂

當歸炒 桂心 甘草炙

蜀椒炒出汗各七錢半 川芎兩半 附子炮 澤蘭炒各一兩

右為末每用酒服二錢立效忌海藻菘菜生葱冷水等

〔洗心散〕治傷損瘀血凝滯大痛大便亦痛方見大類

〔黑神散〕治傷損大吐血或因酒食飽低頭拗損吐血至多并血妄行鼻口俱出但聲未失無不效者

百草霜 蚌粉各等分 右為末每一二錢糯米飲調下側栢枝研汁尤

效速鼻衄搗一字皮破灸瘡出血舌上出血並乾糝立止

〔墜馬方〕細研銅末服之頓愈

〔蘇合香〕治從高墜下扶驚悸血氣錯亂昏迷不

省急服大效方見大方科中氣類

〔接骨散〕治打撲傷損折骨

半兩古文錢不拘多少以鉄線貫之用鉄匣盛以炭火煨通紅椀盛好酒米醋各半升鉄鉗開匣取錢於酒醋中淬盡澄去酒醋以温水淘洗如此三次淘洗數多尤妙火毒不盡令人患啞既淨焙乾研細入乳香沒藥水蛭等分同為末每服半字或一字生薑自然汁先調藥次用温酒浸平服若不傷折即時嘔出若損折則藥徑下如金絲如弓上筋神效初服忌酒三日

○刀斧棒杖傷

〔禁聲飲子〕治棒杖刀斧傷疼痛不可忍者

防風去聲

南星湯洗

右剉散每服三大錢水酒各半盞生薑搥碎同煎通口服甚者不過三服立效

〔龍骨膏〕治金瘡

真龍骨

海螵消

五倍子

赤石脂

黃丹

煨過或不用只使血竭尤佳

石亭脂

一方不用只用麝

右斟酌或等分用如傷大先以冷鹽水洗淨却用黃桑生漿塗四圍待水乾皮斂即乾數百發百中若小小傷只以冷鹽水略洗便敷此直截

妙甚

〔奪香散〕治刀刃所傷及從高墜下木石壓損瘀血凝積心腹疼痛大小便不通

紅蛭 用石灰慢火炒令乾黃色半兩用

大黃

黑牽牛 各二兩

右為末每服二錢用熱酒調約人行四五里再用熱酒調牽牛末二錢催之須下惡血成塊以盡為愈

〔單方〕治打撲傷金瘡悶絕

右用蒲黃不以多小為末熱酒灌下

○取箭鏃

〔灰牛散〕

天水牛

乙介獨角者尤緊以小瓶盛之用水砂乙錢細研水少許化開浸天水牛成自然水

右以藥水滴箭鏃傷處當自出

〔神仙力箭藥〕妙不可言

右以桑葉陰乾為末乾貼如無旋斂乾貼之

〔又方〕土狗數箇搗取汁滴上三五度箭頭自出

治箭鏃入骨不可拔

巴豆 粒半 羗螻 大者乙箇去足翅

右各去殼同微熬研勻塗傷處斯須痛定必微痒且忍之候不可忍便撼動拔之立出以黃連貫衆温湯洗了用牛膽製風化石灰傅之

針灸傷

〔內托黃耆〕治針灸傷經絡膿流不止

黃耆兩八

當歸洗三兩

木香

乳香研別

沉香各一兩

右為末用菜豆粉四兩薑汁煮糊口梧桐子大每服五十元不拘時候熱水下

消煩

〔四聖散〕治傷重煩悶欲死者用此打血利大小便

花蕊石散

黑神散見二方

大聖散

蒲黃散已上二方並見婦人科

當歸煨

牛膝

川芎

白芷炒醋

蘇木

大黃各半兩

蓮子肉酒煮半兩

右為末和口童子小便調服或木通湯亦可惡

血立下

傅藥

〔活血散〕治打撲傷損手足

右用菜豆粉新鉄銚內炒令真紫色新汲水調冷成膏厚傅損處須教徧滿貼以帛花將杉木皮一片縛定其效如神

治刀傷磕損血不止痛難禁用葱白一大握炒熟

搗爛乘熱縛定痛與血隨止葱冷再易立效

治傷損用生骨碎補研爛取汁以酒煎服滓傅傷

處數日平復及被笞捶身無全膚用之大效

治折骨傷筋痛不可忍生地黄一斤切截瓜糟薑

一斤生薑四兩炒令勻熟以布裹罨傷處冷則

易之奇效腫重加赤小豆半升
地黄膏治打撲傷損臂白脫出及一切癰腫未破
令內消用生地黄研如膏木香為末以地黄攤
紙上糝木香末一層又再攤地黄貼上明且痛
即止效

單方治刀傷血出不止欲死用花藥石散無效則
用絕好降真香一片用瓷瓦片刮下石碾碾細
傅之大效

又方白滑石二兩黃丹五錢為末乾糝
斂金瘡止痛

右以劉寄奴為末摻之立效

又方以門扉後塵傅之

鈇粉散治手足折傷可服可敷半日後痛止手足
堅牢立愈

右以川當歸鈇粉各半兩鵬砂二錢同研細蘇
木煎汁調化一大錢損若在上先喫淡粥却服
損在下先服藥后食仍頻呷蘇木汁別作糯米
飲拌和藥攤貼損處以絹帛裹之骨碎用竹木
同夾甚妙

白灰散治惡瘡刀斧傷見血

白石灰末不以多少薤菜汁調陰乾為末少許
傅上擦少時血止便安如腸潰出桑白皮線縫
合罨之帛繫定效

又方晚蠶沙生用為末摻勻綿裹之隨手瘡愈血

又止 黃丹散 治金瘡并一切惡瘡

上等黃丹 軟石膏 不以多少 火煨通紅

右研細和勻如桃花色搽傷處甚妙

又方 胡孫頭草黃花子如蒺藜骨錄者村人謂之

草血竭以其能止血也用其子爛研或爛嚼傅

傷處血立止

又方 黃蘗 半夏 兩四

右為末每用半兩生薑半兩生地黃取自然汁

調塗癩處如折斷用絹帛封縛次用杉木皮扎

定乾則頻上薑地黃汁潤

又方 治金刃或打傷及碎首血出不止

降真香五倍子鏡面上削下銅青各等分為末

傅傷處效

又方 治刀斧傷

隔年四月苧麻揉令極軟覆在傷處縛定血止

用野苧葉亦可

又方 水龍骨 即船上年油灰 為末傅傷處用帛片扎定

皮裂開以桑白皮綿縫合用蘇木五倍子末封

之

又方 治傷至重但不得透膜者

海味中鹹白鯁揀大片色白而有紅絲者成片

鋪在傷處以帛子扎之血止如膏脂出不傷內

鋪在傷處以帛子扎之血止如膏脂出不傷內

鋪在傷處以帛子扎之血止如膏脂出不傷內

鋪在傷處以帛子扎之血止如膏脂出不傷內

膜者即剝去傷人頂心髮以熱熨斗不令其知於新剝頂上一盪膏脂即入以桑白皮線縫合用血竭草木臘葉磁石為末乾傅瘡上即合

〔又方〕五月五日採馬鞭草缺盆草血見愁即草播爛同風化石灰為末塗之即愈

〔治血聚皮不破方〕蘿蔔葉研細罨傷處以帛縛之

〔滅痕方〕治打撲有痕傷瘀血流注

〔又方〕治瘀血流注紫黑或傷眼上血紫黑者紫二宿紫者即白矣
洗方
半夏為末調塗傷處一宿不見痕
大黃為末用薑汁調塗一夜一次上藥一宿黑

〔荊葉散〕治從高墜下及一切傷折筋骨瘀血結痛

頑荊葉兩 蔓京子 白芷

細辛去苗 防風去芦 桂心

川芎 丁皮 羌活各一兩

右為末每用一兩鹽半匙連根葱白五莖漿水五升煎五七沸去滓通手淋洗痛處冷即再換宜避風

破傷風

〔玉真散〕治風自諸瘡口入為破傷風強項牙關緊欲死者

防風去 天南星湯泡各

右為末每服三錢童子小便一大盞煎熱服

香膠散治破傷風口噤強直

魚膠燒十分

麝香許少

右研勻每服二錢酒調不飲米飲下一方蘇木煎酒下

急風散治久新諸瘡破傷中風項強背直腰及折口噤不語手足抽掣眼目上視喉中鋸聲及取箭頭

麝香

研一字

丹砂

兩一

生黑豆

一分同草烏為末

草烏

三兩半生用半焙存性米醋同淬

右為末和勻破傷風以酒一盞調半錢服神效如出箭頭先用酒一盞調服半錢却以藥貼箭瘡上

破傷濕

牡蠣散治破傷濕口禁強直

牡蠣取末粉傅瘡口仍以末二錢煎甘草湯調下

舒筋法

舒筋法治破傷後筋變縮不能伸他病筋縮亦可用大竹管長尺餘鑽一竅繫以繩掛于腰間平坐貼舉足碾衮之勿計二程久當有效

退腫

蒼朮散治打撲損傷皮不破浮腫者及角血用此退之

紫金皮

蒼朮

牙皂角

蓋醋炒

鷄脚風葉

骨碎補

各等分

右為末糊水調糊腫處
紫金皮散治一切打撲損傷金刃箭鏃浮腫用此
效

紫金皮醋炒 大南星 半夏

黃柏鹽炒 草烏炮 川烏炮

川芎茶水炒 川當歸煨 杜當歸

烏藥 川白芷鹽水炒 破故紙

劉寄奴 川牛膝 桑白皮各等分

右為末生薑薄荷汁兼水調糊腫處或傷處皮
熱甚加黃柏皮生地黃五錢有瘡口者勿封其
口四畔用此糊之

麻藥

草烏散治損傷骨節不歸窠者用此麻之然後
用手整頓

猪牙皂角 木鼈子 紫金皮

白芷 半夏 烏藥

川芎 杜當歸 川烏各五兩

船上茴香 坐拏煎酒 熟草烏各一兩

木香三錢 傷重刺痛及近不得者更加坐拏
草烏各五錢手慢陀羅花五錢入

藥

右並無煨製為末諸骨碎骨折出白者每服二
錢好紅酒調下麻倒不識痛處或用刀割開或
用剪去骨鋒者以手整頓骨節歸元端正用夾
夾定然後醫治或箭鏃入骨不出亦可用此麻

之或用鐵鉗拽出或用鑿鑿開取出後用鹽湯或鹽水與服立醒

合瘡口

〔松皮散〕治金刃箭鏃傳瘡口兼能生肉

老龍皮二分 生石灰二停廣者用瓦盛上

下煉一夜至

右為末傅之止血收瘡口立效

〔又方〕合瘡口黃丹白滑石研細傅之

〔又方〕黃連木香檳榔為末傅之

〔又方〕

降真香

牛膝

石灰

人骨醋炒

真龍骨

老松皮各一兩

右用黃牛膽一枚將小竹管插膽中以石灰末從管中入膽內掛高處日乾要用刀破開同諸藥為末傅瘡肚中不痛自愈

〔太乙膏〕治金瘡箭鏃不問輕重用此傅之并治癰疽疔毒

白芷

乳香火製

沒藥

蒼朮

白膠香

石膏醋炒

黃丹各五錢

右為末用真清油四兩桐油真者亦可以黃蠟

一兩先煎油柳枝攪次入白芷等四味煎少頃

却入膠香石膏得同煎試欲成珠却入丹同煎

片時用生布濾過瓦器後藏用油單攤之損傷

傳瘡口自然肉不痛速愈

(止血收瘡口方)截血用此瘡大者以燈心蘸入孔中

白膠香主接筋

老松皮

白芷

龍骨

血竭各一兩

右為末傅之

(又方)

土朱

二兩用瓦盛一火煉一日

人骨

火煉者

老松皮

龍骨

各等分

右為末傅之妙

(又方)雞內金焙為末傅之立止

(乳香膏)老金瘡杖瘡神效

乳香七錢

沒藥七錢

白芷

當歸

羌活

獨活

川牛膝

川芎

自然銅

石膏

劉寄奴

黑牽牛

黃白皮

破故紙

白膠香

生地黄

熟地黄

赤芍藥

白芍藥

黃丹

紫金皮

黃蠟一兩

右為末用真清油四兩煎沸却入藥同煎留膠

香黃蠟黃丹末又用柳枝不住手攪試將欲成

膏却入三味更試成膏生布濾淨用瓦器成水

傾在水中用篔簹攤開貼傳瘡口孔深者熬成膏

條穿入孔中不問淺深放瘡上作熱加輕粉梅

花腦子朴消入膏內貼又留可用尾
下盛須封裏

〔小香膠散〕

白膠香末傅之又方金沸草根搗汁塗筋封之
可相續

止痛

〔乳香散〕治打撲傷損痛不可忍者

白朮炒

當歸炒

粉草

川白芷

沒藥研別

交趾桂

明乳香研別

右為末入別研藥令勻每服二錢酒調不以時服

〔應痛口〕治折傷後為四氣所侵手足疼痛

生蒼朮半斤

破故紙半斤半炒

船上茴香六兩炒

骨碎補半斤去毛

穿山甲去膜桑灰炒脹

生草烏半斤類如麥大

右除草烏半斤用生薑一斤連皮生薑一斤搗

爛草烏一處淹兩宿焙乾連前藥同焙為末酒

煮下糊口梧桐子大每服五十九酒或米飲下

忌熱物片時少麻無妨

〔尋痛口〕止痛清心行氣活血如神

草烏去皮尖生用

乳香火熨

沒藥火熨


五靈脂各三錢

生麝香少許

右為末酒糊丸如指頭大朱砂五錢研為衣每

服一九薄荷生薑研汁磨化痛止

口齒咽喉方卷之十八



Handwritten text in a cursive script is visible within a rectangular border on the left side of the page. The text is faint and difficult to decipher, but appears to be a list or index of items, possibly related to the medical or dental topics mentioned in the main text.

